

書

舟車集卷十一

寶應陶季 以字行 原名激

古今體詩

起癸亥夏五至冬十二月

涉江後寄衍公二首

猛雨東方來 颯沓打船尾 行子不能寐 拂曙擘衣起
焉知變寥廓 谷風散葭葦 抽帆明鏡中 且復蹶然喜
羣山弄晴色 隔江浩瀾瀾 坡陀見瓜步 下上餘壁壘
當年咲佛狸 飲馬亦徒爾 王氣迄六朝 銷沉可知矣
四百八十寺 重揜惟攝山 山中有耆舊 白髮皆盛

顏巢居無所餘彌勒共一龕泉源達戶牖灌木疏
煙嵐經歲匙足音松門不須關窈然絕塵拂身意
相與閒聞公今隱焉宗指將在南會當樹疑義躡
屩來細參時衍公結廬山中矣

同衍公登清涼臺四首

看山情切類支公舊寺荒臺幾處同若謂重遊恐
難必正窻堅坐莫息息

山徑周遭灌木多幸無車馬只煙蘿此中大有於
陵意不是閒心不肯過

雞鳴山下總薜蘿劉宋蕭梁事已徂多少釣船明

月夜不須重問後山湖

梧柏梗枿舊已刪春禽無復弄絲蠻游人盡蹋城
南路幾見關情說蔣山

師子林看新竹

離離千畝穉龍生日午穿林自在行吟罷獨歸還
獨臥黑牯鄉裏尚餘清

空谷荅曹先生潔躬

別來驚二紀蹤跡莽相違蕉鹿宛然似冥鴻何處
歸鍊顏堪自老遯世敢云肥但得春耕地還山即
揜扉

卧鐘

在雞鳴山西麓

田家水環門桑稠夏畦綠我尋雞鳴寺結侶過山
足盤紆盡曲磴籬缺補修竹不知何代鐘沉冥此
空谷積然如中酒偃蹇自坦腹一半堙莓落偏側
勝老屋正窳在宮廟扣擊清以穆胡爲風雨中弃
置同蠖伏遭回未忍去愴矣入心目千秋無伶倫
誰與振斯辱

薄暮至雞鳴寺

邨墟炊煙生日射苑城側松關闔已久殿閣莽蕭
瑟門前芳艸徑重叠費登陟荒哉誌公臺幾年蔽

榛棘山僧若栖鳥畏客祇自匿笑余塵中人奔走
何未息踟躕向歸路林影易昏黑遙憐湖上水兩
兩度雞鵠

清涼門漫興

水際何人唱采蓮正逢初旭弄晴天周遭儘有芳
菲地莫去怱怱逐少年

集青溪閣二首

勞勞冠蓋里近得幾人閒此地堪忘世鉤簾却對
山溪雲欣有託谷鳥亦知還繞舍全栽竹經年只
自刪

川二五四十八
老樹侵檐角清芬散客衣自然塵拂少徒覺綺羅
非隱几申情話支窗受夕暉良時難屢值堅坐莫
相違

北渡別衍公

相逢如舊識幾日話中宵樹色留蔥蒨茶煙散寂
寥無端憂偏側有約待招要去去白門道西風吹
暮潮

公與余有攝山結夏之約

燕子磯口號

底事長干客愁心未可留風帆信潮去今夜泊真
州

有人出紫紋研云是南唐所遺

昇元易姓初傳子霸業偏安歷三紀後來偏側春
恨多空結丁香雨中死新詞一闋吐芳潤美人斷
腸歌未已至今誦者猶增哀徒見東趨大江水重
樓複殿鎖白日可奈朱顏呼不起誰存此物在南
國土膏浸淫繡落紫摩抄反復迸光怪價重南金
無乃是君不見隄糜毛穎都成塵既壽而貞獨餘

此車大買南山蘇豆田

無首答陸冰修二首

集王新城寓齋今六年矣

蹋雪曾過米市東入門匡坐地爐紅傾觴笑語詩

成後燭跋三更又朔風
馬首東西各惘然白頭猶滯管城邊誰能爲客開
錢庫大買南山種豆田

無名荒圃二首答汪未定

春月正移屋息息當何之茅堂四五間敝陋亦有
室編籬障重門老穉還共依中宵苦雨急漏溼爭
淋漓滯留及夏初牆東筍新肥參差似人立坐愛
忘我饑囊空無餘羸鄙念恒在斯會須筮佳日締
構勞般倅

種蔬不相妨次第菘及韭園丁老愈健早作應心
手畦平視如砥剔抉盡稂莠念彼功實多勞必酌
以酒前年拓北地環植者榆柳所待堂廡成豁達
開戶燠君來可信宿具饌出瓦缶高譚羲皇年沮
溺與爲偶

分韻七夕

天漢初指隅鶉尾叶商律涼颼被沼沚菱芡亦登
實炎歊倏忽謝蝨蚋幸已失槃盃紛然陳可以薦
芳飴傾觴不成醉雲薄數星出循階跋吾履細聽
唵蟋蟀良夜差足樂俯仰在蓬室時人何其愚邈
焉慕靈匹

劉氏別墅

自昔莽煙渚幾年竟池臺吾友坦蕩人實負經濟
木種樹日就列新堂湖邊開層樓峙其側可以招
蓬萊鳧鷖集芳塘相忘不相猜清秋卷簾坐天鏡
光昭回還宜在中宵四顧無纖埃空明月如璧縱
飲揮深杯吾曹非盛顏有暇當頻來歌笑展偕樂
毋令華髮催

將之竟陵別同學

我生如轔磨牛迹北轍南船那可擇前年抽帆五
谿水今復息息郢州客江千秋杪木葉下蘭橈待

發意不憚蒼茫理篋猶治絲顧我茅堂未暖席同
時託交二三子貞如青松皦如石咄哉造物何靳
余斯須之間此行役君不見東西跳丸歲月老人
生曾著幾兩屐擊衣出門還自歌遠睇橫江數峯
碧

滂江三十三首

自真州至夏口驛

霜被亭臯木落初移船就網覓江魚何期邂逅逢
鄉信却寄平安一紙書
宿霧新收半日晴蒲帆十幅漾舟輕安排大有天
公在一路青山送客行

鄂渚荆門路未央
西林寒日易昏黃
來朝但擊空明去不羨
寒風過馬當
十韻
斷渡顛風跳白波
舟船齊泊上新河
吳姬壓酒能遮客
竟日相望不敢過
寒沙似雪水周回
蔀屋通林閉不開
烏鵲漸飛人語近
一行艇子破煙來
狂風濁浪渺難期
博得驚憂廿二時
何必三朝又三暮
鏡中蚤已鬢如絲
石田礲确半調饑
幾日憂思約帶圍
徒羨江邨老農父
及時新穫稻梁歸

停舟待發奈愁何
黃葉青楓兩岸多
沽酒自吟還自笑
百年今日信蹉跎

是日泊天門山自壽也

細雨連山吹谷風
山堂燈火一星紅
誰知錄錄因人客
正泊荒江積霧中

有姊長貧今白頭
湖田窳黍幸逢秋
瀕行不及扁舟別
無奈關心增客愁

招提門俯大江涯
鬱鬱貞松蔭竹枝
聽說昔年黃太保
孤軍不肯樹降旗

過盤子磯即前將軍黃得功駐兵處

目送歸雲息縹然
吾廬中有舊青編
衰遲只合牆

東住不挂江帆十九年
乙巳七月余曾自沅江歸
晴沙搖日水鳴灘百丈牽船上
屈盤霜葉半林吹
不盡乍時容我卷簾看

漢武生平寓意荒射蛟曾記薄樅陽
當時若未誅
樂大便致神仙亦渺茫

嘒嘒角角動林雞
振柁開帆語不齊
自拓船窗辨
風色四分殘月戍樓西

安居學易已嫌遲
薄俗逢人旅鬢知
我欲放歌當
一哭峭帆舟子莫驚疑

今日新晴昨日風
一林烏白半林紅
長年三老莫

回惑此事吾將詢化工

一山孤立障江深
應有蛟龍夜起吟
疏鑿不煩神

禹力自從開闢到如今

彈丸城郭酒旗新
爲憶吾家舊酒民
諸子盡愚公
獨智縱多沉酒亦天真

我嘗放游彭蠡間
驟雨飄風三往還
今日紆遲爲
津吏停帆看盡石鐘山

山椒矗矗相風臺
日見風帆歷亂開
昨暮連檣忽
鱗次黃甘船自峽江來

江城雲物縹難圖
有客相逢興不孤
才到石鐘山

頂坐半邊寒日下晴湖
客睡難安多遠思驚鷗頻起最高枝
江聲蕩潏船
牕白正值三更月墮時
水宿淹留已二旬天涯風俗不相親
歸時更有湖
邊策漸狎樵漁共隱淪
津連湓口北風斜無數危檣隱荻花
江月獨明司
馬去後人猶自憶琵琶
月黑江荒泊岸遲
岸邊遺老似吾師
丁寧爲說操
舟意只在風濤欲起時
雙橈容與汎流光
十月蕭疎柳未黃
人語漸隨風

俗異隔山明日是蘄陽

山腰竟接最高樓
籬落周遮灌木秋
却羨此中人
獨坐半簾光影夾江流

三十餘年記別離
中間蹤跡兩參差
相望各有千
秋淚忽墮尊前是此時
是日泊蘄州遇顧赤方驚喜
喜息息兼有後約

握手相看疑夢中
蒼茫情緒總難窮
窮來時定踐匡
廬約襍被經旬說塞翁

佛火荒涼屋數間
營巢孤鳥自飛還
重來掃石當
窗坐斷壁猶題西塞山

罷酒張燈客未眠，
絲霜零落歲寒天。
黃泥舊坂今誰是，
明月空林自宛然。
南國分躔翼軫星，
滔滔江漢接空冥。
同舟問我朝宗意，
記得前人注水經。

重登黃鶴樓題山房壁

黃鶴磯前水東注，
却憶停帆已三度。
年華老大猶苦饑，
汗漫方知此生誤。
我今拾級臨高臺，
俯視塵累增心哀。
焚香清夜欲有愬，
彷彿仙人騎鶴來。

漢川道中

客行殊未已，舟楫遞相續。
嗟哉志士心，宛若良馬

足循隄，溯清淺。柳色尚餘綠，
田家禾黍收。穉子飲黃犢，
土風半椎魯。絡繹樵與牧，
日暮歸去來。人歌郢中曲。

宿已有園贈惠上人二首

年年栖息魯公堂，竹院蕭疎艸徑荒。
何意我來畱信宿，挑燈煮茗坐匡牀。

竟陵東六十里前祭酒魯文恪公鐸別業

急雪迴風作意寒，憂虞今已藉平安。
中宵撥火頻分芋，料爾前身是嬾殘。

竟陵口號二首

迂踈只合揜柴關磬折逢人實未嫺安得弃家呼
陸羽負書栖託火門山
莫謂從前經術踈尋嘗家學愛三餘而今壯志銷
除盡牛背無人更讀書

臘月朔讀壁上新牋

顛顛心情襍被知東皇猶自放春遲何人南國動
遙思却寄梅花清夢詩

舟車集卷十一

男 蔚文虎較字

舟車集目錄

卷十二

春日二首

穀日雷卽雨雪

題家書尾

斗室

雜感

小院

山鬼

賦得雨中桃花

逢孫豹人

排悶

立夏日集乾明寺

立夏後十日

瘞馬二首

有客述郢中事

送某生之襄陽

聞阿蔚遊吳趨

憶慧公
無題

偶吟二首
赤方先以序來寄答

閩蜀志
題陸公祠

汎陂二首
明日又汎西陂

七夕後四日
潛江道中

九日至龍山寺
章臺寺

江陵雜興四首
過龍灣市

昨日
題花間引子圖

題牡丹冊子
觀蒙惠二泉

觀劇
記夢

卽事二首
遣興二首

再寄赤方
寄題嚴氏林堂二首

哭姊二章
送吳趨某生

寒食日
有人以桃花見遺

贈李十七
鷓鴣

逢李劬菴
寄方田伯二首

客都舟中
宿枝江

九日次石首縣
宿劉郎浦

雨後
經祭風臺

落日
題畫冊二首

過蘄州別赤方二首

二百三

舟車集卷十二

寶應陶季 以字行 原名澂

古今體詩

起甲子春正月 至乙丑冬十二月

春日二首

初尋西塔寺為試陸公泉
曲竇沉落甃虛堂冷爨
煙不聞三澁水徒說四禪
天俯仰殊今昔登樓息
渺然

遲日聞花發行過一水西
隔林通霽影連袂蹋春
泥小萼窺牆出芳條拂檻
低到來人未覺乾鵲數
聲唳

穀日雷卽雨雪

屋角無端起蟄雷雲中凝雨復皚皚仙人何處同
春宴醉跨三千白鳳回西園林苑舊春

題家書尾勉諸兒

靜日涉經史茅堂正相安春畦况增綠積雪吹已
殘晨興惜分陰勤苦其大端綺羅爍肌骨珠玉不
可餐爲文無近功雕鉢從肺肝譬諸耕織久斯免
饑與寒日月東西跳摩勵毋自寬更須念汝父踈
拙行路難

斗室

斗室繙書記昨宵薄寒新火正無聊情知篤耨名
香在不是羅幃不肯燒

雜感

初過寒食節又值弄晴天塞嘿室今日蒼茫憶去
年倚樓瞻絕島張樂汎崇川何事來江漢音書獨
渺然

小院

小院雙桃續續開少年歌管日頻催休嫌白髮顛
狂笑尚擬看花四十回

山鬼

北風吹雪雪滿衣我將乘舟撥九疑道經黃陵薦
二妃汨羅水東弔湘纍循山更進鳥雀希素波汙
法莽無涯俛仰回惑人事非冥蒙薜蘿與江蘿
鼉出沒猿狖嗥山鬼宛來供嘯嬉問我何欲毋遽
歸此中卜居清且宜浮雲倏忽變所期有時昌披
遣文狸諛詞令色同詢欺我心卓然不可移視聽
歛寂聊息機彼恹恹兮安能爲

賦得雨中桃花

十五妖姬本絕塵絳裙紅袖復鮮新朝來醜面春
窗下溼盡臙脂最可人

竟陵逢孫豹人

燕市一相別倏忽踰六載同此汗漫游茫如隔煙
海聞君容大府子弟受模楷佳哉管幼安繩尺實
未改今年去函丈蹤跡任瀟灑逢人爲懽娛浮雲
有何悔我來偶然事所過嘆廢壘此間差安全况
遭廉平宰何期更相值素髮愈光彩停觴共情話
薄暮陰靄靄馬卿倦已甚主父困饑餒當時郢中
曲和者幾人在君歸廣陵道浩淼百川匯布帆定
無恙何處聽欵乃

豹人前在制府爲其子弟師

賦得排悶

趙州離垢人八十正行脚參同無上義不肯事禪
縛伊余冒塵網信志守樸學回憶數十年鐫盡六
州錯鹽車歷修畛辛苦特其畧艸堂仍無貲歸時
笑坐橐人生定命在敢計苦與樂所賴歲月長駐
顏有大藥所賦更賦於素髮會大
立夏日集東湖乾明寺竟陵城東一里
積水周遭獨繫船纖雲無定乍晴天聲聲唳鳩猶
催雨處處烝民已種田舊業自荒帆影外新愁聊
託酒壚邊浮生判醉休惆悵楊柳春風又一年

立夏後十日

花落久成蹊春陰易作泥竹生落院側桐覆畫闌
西旅跡淹鴻爪鄉心羨馬蹏馮高東眺盡江郭艸
萋萋

瘞馬二首

筋力元輸盡途人自不知亂山春雪後荒磧夜星
時飲藥終何益投芻總未窳孫陽如再起千古實
吾師

敝帷不復見束縛向空邨雨沒燕臺骨風搖塞艸
覓銀槽歸養卒玉勒去王孫寂莫殘陽裏傷心未
可論

有客述郢中事

石馬無聲日已昏魚燈猶自照精魂行人易下羊
曇淚不爲前王有舊恩
送某生之襄陽

襄陽城下隄曲曲漢水淪漣鴨頭綠我昔扁舟曾
往還戍火中宵滿山谷是時蛾賊尚餘孽據穴蟠
根在房竹彈丸邑宰馮空城戰守無人恥竊祿上
書大府引疾去敝橐何須更簡束人生識時號明
哲豈肯逡巡久貽辱迄今忽踰三十載刀劍全銷
易牛犢尺寸山田人得耕近亦倉箱萬家足聞君

擔簦正西邁重趼辛勤一何速懷中有璧光熊熊
莫謂逢人盡迷目願君愛身兼愛璧鍼芥相遭異
流俗君不見馬周末入長安時託跡新豐甚窮蹙
癸巳甲午之間余客光化賊猶盤踞山中也

聞阿蔚遊吳趨示之

人生毋循名所貴守樸學高明而沉潛於道則先
覺干祿古人恥涉世畏謠詠四顧知者希茫然兔
生角老夫每自笑蹤跡太縣邈西北緣關門東南
究地絡逢人鮮有合偶類行脚木葉吹亭臯雲
霽度寥廓今年在江漢所邁亦蕭索越鳥猶紛來

安能久栖託汝曹厭家食願附李與郭三吳盡才智未可矜著作須從長者後視聽就矩矱移情具區水庶以解黏縛還思倚閭母憔悴病似鶴不窳效老夫汗漫掇五嶽

記平山堂相別慧公畧無消息

觸熱曾過第五泉
芒屨箬笠暮雲天
恩息一飯輕舟去不見湯休又七年

無題

宋玉年來最善愁
况逢時節似清秋
迎人桃葉堪同夢
解事楊枝豈易求
何意隔簾初識影
若能通

語定含羞從今莫問江臯佩只在重重十二樓

偶吟二首

名山事業渺難期
汎海尋源只自疑
可奈賣鍼人滿市
却從何處得鍼師

南湖書信去茫茫
暑雨侵人正未央
讀罷內經無一事
桐花風落筍稍長

三月五日遠承赤方定余集中衆體詩先以序來寄答二十二韻

良友一相別忽驚三十霜
中間兩錯迕萍蹤竟茫茫
清夜屢夢君旣覺迷其方
比年老懷惡息君實

如狂去冬郢州來正圖踐君堂衝寒理舟楫不惜
輕去鄉入門猶有疑逢迎見吾兄再拜雜悲喜雙
淚與綆長執手問親串每荅增我傷諸子皆俊民
呼出拜下牀次言須盡歡趣令陳酒漿銜杯各露
醉落日已在牆江帆難久留我語猶未央別後匙
問學有詩徒一囊反復不自信又不能變更引繩
惟故人庶知表與坊丁寧遽云別遣信重寄將書
來太獎飾此義非所望序從結交始發摠爲文章
璆琳數百字字字爭吐芒雜誦三四過蹴然何可
當秋晴放船好覲君示周行

閩蜀志

蜀郡圖志散佚多晝長無事聊編摩戎州尉廳荔
支好肉厚獨有西南柯天寶之間並入貢置郵不
速遭譴訶後來妃子旣寂莫筐筐無復紛綸馱往
余三載閩南住帶露飽食每放歌廣州綠荔聞亦
好蔡氏作譜猶偏頗固知此物重嶺海涪隸取近
終菟羅今年伏日苦燥渴空灘黯澹難再過况當
次第被兵革惜哉吾老成蹉跎

戎州廳綠荔支一本四柯獨西南者味甘肉厚

題西塔寺陸公祠壁

濁酒醒復醉每思桑苧翁著經在當世論水理則
同舊井生榛蕪往汲西江中泉源自差別誰再能
發蒙我來游西陂載酒追遺蹤馮高一以眺寄慨
方未窮在昔全盛時此間正年豐招提雜金碧映
日光曛曛比年冒洪濤蒼茫廢田功殿閣漸傾側
緇流亦疲癯謀食不自給况六時鼓鐘像設類枝
指豈徒曰塵容前賢久寂寥仰者安所從投筆喟
然去可以占民風

薄暮汎陂二首

久愛南陂好今乘放鴨船穀紋元不定菱葉正相

鮮細雨侵衣溼迴風著帽偏紅蕖易零亂敲立最
堪憐

蕩漾花深處清芬四面同斷雲吹漸遠明月照方
中晶晶水光白熒熒邨火紅此時懽未足吾欲更
從東

明日又汎西陂

柔艫扁舟外鳧鷖各有羣參差過別渚出没送斜
曛急雨通山氣涼颺蹴水文漸看雲葉斷輕薄又
紛紛

七夕後四日

蹤跡尚淹留
心情似去秋
緣無仲宣賦
半月不登樓

潛江道中

地僻荒城小
秋溪細雨多
北風吹漸急
鳴雁集寒河

九日至龍山寺

江陵縣西南三里

晉祚昔再造
桓公鎮方州
當時盛賓客
文采猶應劉
懽娛邁佳辰
相偕陟崇丘
芳筵縱譚笑
雜坐成勸酬
茱萸映深杯
天風寒颼颼
參軍一吹帽
何爲竟千秋
我來追遺蹤
徒步但崩緱
大雅日淪墜
薄

夫焉足謀

章臺寺觀楚宮遺址

沙市東卽章華宮也

循堤曲折楊柳稀
連鑣入寺秋艸肥
牆東斷碑不可讀
法堂晝靜闔兩扉
人言此卽故宮地
沉香井堙落徑微
當年玉貌委塵土
殿角祇見寒鷗飛
荒臺照水正清淺
老僧曳足恒苦饑
齋鐘粥鼓半寂寞
種菜滿畦多棘圍
門前帆影夕陽亂
惆悵不盡風吹衣
何緣今日信所歷
薄暮欲歸猶未歸

江陵雜興四首

能仁寺裏獨經過
舊宅猶傳晉永和
蘭蕙不生人

寂莫塔鈴風起斷垣多 東晉侍中羅含宅有叢蘭生捨為寺宋宣和中改今名

逃名宗炳豈憂貧避地劉蚪嘯傲真今日南湖尚

無恙白魚朱橘最宜人 高沙湖二公隱居地

柏堂堙廢畫圖銷勝蹟無人記六朝前過舊東城

外去祇餘楓葉半林凋 梁張僧繇曾于天皇寺壁

貌孔子十哲及盧舍那佛今不可問矣

江津淼淼片帆低南浦青青萬木齊聽說昔年初

戰伐連營篝火接巴西

過龍灣市

江陵縣東有百丈禪師道場

近日三鷗寺誰叅百丈禪樹猶依斷壁花不散諸
天小市方祠鬼荒湖忽聚船歸途望城郭重沓夕
陽邊

昨日

昨日向沙頭含情送客舟已知憔悴甚不上仲宣
樓

題花間引子圖 并序

往時見沈啓南本幅廣四尺筆墨鮮潔計引雞
雛三十有三此臨本亦如其數而毛羽生動歷
歷可喜孰謂今人不如古人耶

錦葵乍開映日明
葍落滿地芣苢生
采芳蛺蝶忽過此
栩栩漸近如有情
是時蠶老麥正熟
晝長不聞機杼聲
田家伏雌善孳息
引雛啄食花陰行
艸間蟲豸徧搜索
衆雛嘈雜來相爭
周遮俯仰各呈態
就中失得豈盡平
何人貌此在東絹
令我諦視雙目瞠
應知敏手不易及
毫髮之辨猶經營
安能置余艸堂後
坐待雄鳴角角催
春耕

題牡丹冊子

竊白媯紅開較遲
含毫伸紙費沉息
依稀似識春風面
不記誰家薄暮時

竊淺也

東觀蒙惠二泉

并序

荆門州之西可一里是謂蒙山環抱城郭山麓有泉二南曰惠北曰蒙蒙泉側出而惠泉則濫出也宋分寧黃庭堅鄱陽張垓各書二大字劉諸石字廣二尺適勁可法餘者不足錄矣

我居江陵值秋暖不愛禪栖愛樗散曾聞此去有北山其下細泉清可澣訢然命僕戒裝發仗得籃輿到山館朝光赫赫煙盡銷一片寒流出空窾循源援贖各有異荇葉參差冒池滿儵魚無數往復來錦石分明色如纂何人劖壁記泉脈歲月蒼茫

半摧斷馮闌試茗真雲漿幾日忘歸遂余嬾
蘭釭樺燭照繡黃磬折周旋正未央豈料一時情
態盡遽停歌板下當場
屏風疊疊畫闌斜錦錯珠圍似大家曾見有人東
嚮坐碧文牕裏定琵琶
解事吳娃百技成閒拋銀甲罷鳴箏秦川公子休
拘束挈伴窺簾自有情

隊裏歌聲繞欏梁鬢邊花氣雜芬芳不須定向深
屏去才見簾櫳已斷腸

遣興二首

繙書小閣映清暉撰食山廚筍蕨肥才得客心銷
俗累杏花時節莫思歸
爲園結屋近平湖旅跡年年媿老夫此去江南數
千里竹林落壁易荒蕪

再寄赤方

去夏得書札今年無羽翰每思城北路還作夢中
看薄俗論交少同心覲面難幸逢舟楫便先一問

平安

蘄州城北熊化嶺顧子居也

寄題嚴氏林堂二首

我昔登虞山曠覽極江海羣真栖隱地雲物絢朝
采聞君新堂開列岫宛相待平泉豈足喻綠野避
爽塏歌吹當前榮寒枝自蓓蕾
馮軒植芳藥灼灼翻輕風雨窻晴亦佳四序將無
同時禽鳴相偕動與山氣通朝暎及夕月影流入
簾櫳不須慕輞川已在圖畫中

二月二十七日哭姊二章

嗟我同生唯女兄畧知誦讀先長成及期而嫁值

貧賤樂歲亦與愁相并茅堂臨湖仗舟楫簞箬罍
罷煩經營我嘗扁舟或信宿巨魚一尺旋煮烹瀕
行覩縷意難盡隔水目送傷我情久之我適住吳
會幾年念我心怛怛自歸以來越二紀所羨吾姊
多康寧頭童齒豁豈足慮舖糜之外兼餽餽前年
七月至九月同堂笑言癯且清爲憐少子忽欲去
誰料一別斯沉冥今年鄉邑有書至開緘獲然中
自驚悲哉吾姊竟長逝老淚迸落紛縱橫招魂不
得祇易服志慮恟惘雙目瞠會須抽帆過湖埭來
奠馬鬣新封塋

追惟先人屬纊時須姊來共含斂之入門一慟腸
斷絕我正壁立無所遺相謀渴葬會有日二三骨
肉全在斯一鐙熒熒耿寒夜霜清月白鷓鴣亂嗥吾
姊念我不忍去提攜兩雛聊共依藉辛歷盡播遷
始蒼茫竟分天一涯比年萍梗得再聚諸甥近亦
多孫枝陂田漸熟湖半涸吾姊暇日方含飴每圖
結屋傍姊住身自刺船供笑嬉奈當昏嫁久未畢
不得遂此成委遲今年乃知夢已斷使我細憶增
苦悲還聞塲後事倉卒媿矣有淚如縷縻江湖阻
長東眺盡拭淚伸紙爲此詞天荒地老慟相失吾

姊冥漠其鑒知

送吳趨某生

天涯才聚却東回襟抱怱怱實未開須到半塘黃
葉寺尋僧沽酒遲君來

寒食日

山杏溪桃開且殘敝裘烏帽正相安春風大與江
南異未過清明只淺寒

有人以桃花見遺

風雨兼旬次第催一春花事半堪哀如何灼灼偏
無恙新自玄都觀裏來

贈歌者李十七

曲奏霓裳事已陳，淒清風月賸閒身。
頽顏未改顛毛白，猶是宮牆擊笛人。

鷓鴣

荆南好鳥盡日無羣飛，祇多大觜鳥每當清曉啄。
人屋啄聲直似長柄鉏，循檐次第撥雀殼。或者穿
瓦欺颺颺，雨來屋破溼四壁。公然不去猶叫嘑，東
鄰健兒愛挾彈。西家年少關雕弧，耽耽伺汝欲發
發。不蚤側翅胡爲乎。

逢涇陽李劬菴

憶君來恒陽，傾倒話夙昔。當歌復對酒，入夜看太白。
未幾卽別去，蹤跡斯轉蓬。君行指南郡，我亦還江東。
中間忽飄搖，並集薊門道。相望不相見，去住仍艸艸。
聞君畱滯久，銜恤依長沙。曰歸曾幾何，驅車向三巴。
窮達原有時，知君計已熟。二月下瞿塘，愛身如執玉。
健翮比秋鶻，翩然到江陵。相見各驚喜，使我雙眼青。
緒言增人愁，旅跡令人老。感君甚獎飾，何地豁懷抱。
黃鐘溷瓦缶，此音知者希。安能就伶倫，洗心辨其微。
我期數年間，粗畢向平累。便思焚筆研瓢笠，以肆志攀陟太華頂。
還來訪李筌。

相從驪山下細詎陰符篇

寄方田伯二首

四月同登劣崩峰歸來送別嶺重重當時各有天涯恨不及安居賣菜傭

二十餘年憔悴多壁間雄劍盡銷磨何當皖口逢君日一醉空江相和歌

宜都舟中

繫舟南郭外廬井背層阿幸值太平日其如蕭瑟何江清吹荇藻箐密冒煙蘿莫更西陵去嗚援秋正多

宿枝江

滄流才幾日舟楫遽言歸小市菱魚賤高原芋菽肥灘聲循地轉樹影隔江稀漸及殘陽後山山增翠微

九日次石首縣境

江靜入遙夜北風吹雁行薄雲還漏月清露欲爲霜歸息亦云久客遊何未央今年無意緒飄泊過重陽

宿劉郎浦

石首縣西北隔江岸也

寂莫劉郎浦蕭疎九月時祇從寒雨後重憶少陵

詩鳴雁北來急挂帆東去遲鄉書猶未得幾日鬢
成絲

雨後

雨後積風至鼉鼉漾江津浮沉類羣魚可以投釣
緡荒哉萬里流浩淼秋復春蛟龍潛其中變化獨
有神

經祭風臺

嘉魚縣南六十里

寒江泱泱正北流我來揚舲風雨秋左湖右沔氣
旁鬼自昔有人誇上游臨江斷壁至今在鬼然荒
臺馮故丘當知吳蜀用兵日適藉天意非人謀羣

雄割據各有以惟公正名尊益州始終勞瘁盡臣
節君不見煌煌信史稱武侯

落日

落日駐汀沙西風蘆荻斜炊煙散蓬屋一半是漁
家

題畫冊二首

亂流發孤櫂春水渺千頃此君幽意多畱連弄光
影
獨行何偶偶秋靜山亦空所到有落葉鬢絲吹北
風

再過蘄州別赤方二首

停舟一灑淚此別聚何年
遠道書難盡貧交老更
堅江流誠逝矣人事亦
悠然賴有千秋在還須
各勉旃
令子初能立豚兒半未
婚他時通兩姓知不媿
清門王謝餘風格陳荀
有弟昆昔人稱世好專
託故心存赤方有子八
人余有子三人皆年相
若也

舟車集卷十二

男 蔚文虎較字

舟車集目錄

卷十三

曉渡至京口

過石門贈吳孟舉

滌江

重過釣臺題壁

湯溪道中

自龍游入遂昌境三首

松溪

松陽口號

汎松川

舟中卽事

將至處州

谿上

伐木謠

郊行

東堂

城中有好女

立夏日

庭前櫻桃

今年

雨後

松川曲二首

閒庭

雨中

夏至前十日

猛雨行

卽事

寄大兒震兼勗諸子

聞阿兼新婚寄賀喬太

繇廣福觀至永寧觀宿

度尹源嶺

隔舍

毛源道中

題葉公祠壁

繩牀十韻

自戒

九日

集西屏山二首

緣谿二首

勞勞

寄荅荆南某觀察

惜桃竹杖

泊呂潭二首

遣懷

十月見桃花

舟車集卷十三

寶應陶季 以字行原名激

古今體詩 起丙寅春二月至冬十二月

曉渡至京口

筮日方濟川連檣指甌越春風自駘蕩山色宛成
列南徐市聲動北固櫂歌發荒哉中泠泉幾人漱
芳潔吳趨行漸近笠澤廣可涉咫尺新雨來移情
聽嘒鳩

過石門贈吳孟舉

今人結交務循名古人結交先責實當年僑札干

秋情慷慨相傾類白日余嘗放跡四天下那可逢
人便膠漆蒼茫擇交三十載細憶同懷百無一往
者抽帆浙江道慕呂攀嵇亦州州豈知今日愿所
願見君著書識君好石門城中立壇墀京雒爭傳
令名早媿余旅食徒息息未許相從盡懷抱何時
重來黃葉邨與君論定千秋以娛老

滌江

朝發明聖湖夕依富春渚相望盡煙樹何地伐津
鼓林中見燈火巫女正歌舞因知民風淳山城酒
如乳桐江水清湜漁釣亦云苦胡爲嚴先生羊裘

竟千古

重過釣臺題祠堂壁

斷岸荒祠瀕水湄蒼茫歲月任相推謝生自昔息
息去慟哭西臺竟屬誰

左配食者方干右謝翱也

湯溪道中

山徑拗折林木稠是時二月如杪秋更逢風雨颯
然至我車已陟山上頭四山雲氣正充塞猶大海
水泱泱浮中間巖瀑寫冰雪屈注千尺蛟龍湫旁
穿陰厓下無極此心慄慄不可畱何如歸向白田
住相與短蓑大笠操扁舟

自龍游入遂昌境三首

寒星亦已沒霽色開千峰
 斫斫日車出照耀青芙蓉
 坡陀歷平原離立多貞松
 高柯雜秀色傲兀無一同
 天風何方來叶奏如笙鐘
 聽之不欲去露溼衣裳重
 側徑通山椒行人易盤躒
 相望不相待如踐飛鳥迹
 我車已曠野我僕在巖隙
 自非追勝游胡為徧幽蹟
 邨虛犬頻吠林暝日漸夕
 止宿蓬茅中橫塘正沉碧
 老屋蔭深樹谿流日濺濺
 有人卜居此竟日窗下

眠比鄰得樵漁畧徇唯東偏
 伐竹贍朝夕種松忘歲年
 我來憩其堂炊黍與作緣
 食罷且未去何異逢僮佺

不聞松溪

曲折循溪日未晡參差新綠半
 平蕪大宗祠下停車坐為愛
 春山嘒鷓鴣入松陽境即多宗祠

春山松陽口號

二月輕寒花信遲山牕寂莫正
 無詩何緣一夕風雷後處處
 芭蕉開翠旗

采蘭汎松川

柔艚輕舟下百灘風聲習習雨聲寒老夫竟日積
然醉夾岸青岑只卧看

二月舟中即事

春山重拚多積雨下有茅茨帶環堵誰來卜築歲
月長大率漁樵自爲伍花開幾簇明似錦木列千
章錯如組谿流偏側全代春礪鳥鉤輶遠交語君
不聞武陵之源避秦地聚族而居亦王土但須沃
衍堪移情何必凉凉復偶偶

將至處州

倦客真無事空灘獨有聲淒清逢舊雨合沓見層

城野渡遲遲去林花細細生括蒼山已近何必問

南明

南明山去郡城十里有高陽洞

谿上

谿上有茅屋綠谿沙路高微風動楊柳細雨溼櫻
桃此地可長住吾生何太勞移船更相送聊與避
塵囂

伐木謠

括州諸山廣且深干霄蔽日多茂林工師受命孰
敢後斧斤入山誠苦辛會逢雨雪苦更劇轉運大
木須千人當時力役不足算至今委積谿之陰比

聞郡牒日屢下箕斂悉索愁我心賣絲糶穀力已
盡呼號上天難具陳積音恣

郊行

小邑農桑後茅茨白晝閒輕風搖萬木驟雨失前
山有物嘗通市無人卽閉關昨逢寒食節相向語
緜蠻

東堂

東堂之前衆山列五尺短垣半傾缺飛花一片風
送來却墮莓落粲如雪我方坐讀蒙莊書渾渾穆
穆意有餘春光去人豈足惜聊爾獨行觀太虛

城中有好女

城中有好女自言千金姿生小愛游冶六親從所
窳盛年適夫壻百兩相追隨蘇錦繡段照耀光
離披夫壻豪貴兒輕財賤蛾眉遠求大宛馬重飾
黃金羈恩義倏忽盡骨肉成路岐紅顏不足恃弃
爲圉人妻當時笑鄰女于歸太遲遲焉知鄰女心
堅白無磷淄

立夏日

昨日春風今日非芭蕉葉大艸新肥周遭賴有青
山在但值登樓莫遽歸邑有環山樓可登也

庭前櫻桃半為僮奴私食示同舍生
一月春風好真寔帶露餐豈期紅漸盡未必鳥銜
殘撼撼巡檐笑僂僂隔樹看傾筐無火齊孰謂蔗
漿寒

今年

今年自怪老多福日日四山青繞屋蒸雲蓄雨隨
所宜我亦卷簾看不足周垣斷處西屏好梧柏松
杉萬株綠有時雲薄開夕陽一片璫璃間楨玉關
仝粉本巨然法合併何繇在空谷當知造物終有
權未許天真汨流俗

西屏山去松陽縣西一里

雨後

風折芭蕉綠倒坐馮闌塞嘿費尋思恰如好女朝
臨鏡猶是亂頭粗服時

松川曲二首

松川之水其流湯湯雖有屠人而無漁梁網之罟
之何如舊鄉

松川之水寒寒可涉中有石齒漾澹如雪灌木蔽
翳青壁羅剎安能結茅於此怡悅

閒庭

閒庭白日意無窮七字哦成尚未工才得登樓借

山色密雲遮斷雨濛濛

雨中

羣山鬱青蒼往往帶城郭松川無障蔽相對亦寥廓朝來洩雲氣孤起但兩角咫尺成渾茫飄然雨如濯當軒卷書坐寄意在深酌牆竹何媚人風中解初穽

夏至前十日為松陽使君作

南山作屏當縣門官舍蕭冷如荒邨天晴小吏抱牘至據几畫諾臨朝暎須臾鼓動放衙畢堂下艸滿來雞豚市民為市亦有日稻米脫粟漿酒渾東

堂晝長日卓午郵置羽檄何崩華征徭索賦事孔亟窮簷之氓今幾存催科不前力已竭豈忍峻法連株根若不聞陽城政拙注上考後人擾擾安足論

猛雨行

閏四月二十四日至二十八日

應龍蹋雲掉長尾卷盡黑潭千尺水豐隆作怒為先驅飄瓦崩牆不得止初聞行潦已沒舍漸見川流爭入市男號女號無定栖抱負皇皇亂如螳令尹徒步出告廟手自撰詞寫黃紙考鐘伐鼓神聽之薄暮遄歸跋管履朝來丁壯蒲伏至共說鄉人

半爲鬼田廬蕩析高浪中此後何繇覓穰秬蒼茫
錄狀上大府傳語烝民且休矣括州刺史今欲來
令尹還能想終始

卽事

人生無智愚觸物信有託嵇康柳下鍛此亦性所
樂狂狷近中道其意尠束縛阮孚蠟雙屐曠達還
自若奈何田舍兒朝夕料汙濁傾身障兩簾刺促
類祖約

丙寅五月大兒震年四十矣遠寄一篇兼勗
諸子

我昔去吳會三十正旅處所居四壁立越歲始生
汝蒼茫數徙舍蹤跡近臯廡蕭蕭寒雨中一婢負
筐篋記汝未知學先解作吳語提攜與妹同瑣細
到粬粬再移華陽住咫尺是鄰圃汝方總角年就
學免椎魯已亥還舊鄉人謂汝循矩駸駸踰二十
蚤得孫嗣祖今年汝四十黽勉在當戶毋媿爲人
兒毋忝爲人父老夫類行脚心志每獨苦少壯猶
蹉跎壽考亦何補題詩寄汝輩歲月迅機杼但須
茅堂成歸來守環堵

聞阿兼新婚寄賀疑葦喬大

川三百五十八
憶昔歲已酉我方居臨淄聞君舉令子應是麒麟
兒喜笑不置口寄以湯餅詩羨君意已足萬事成
得窻明年我來歸摩頂諦視之春容信多福不須
試其嗔幾年看長成落筆先岐嶷知君擅家學寢
食亦有師我嘗登君堂呼來與提攜超超若神駿
騰蹕不可羈今聞秋日長嫵婉新結褵深屏映雙
璧秀萼成連枝君雖增二毛著述能自怡佳兒與
佳婦真樂當倍斯人生三萬場歲月猶委遲兒曹
易壯盛益信表與箕我今寄此篇勸君進一卮會
看夢熊後君其日含飴

繇廣福觀至永寧觀宿

松陽縣西三十里

卯山真人追覓碑載在歐陽集古錄我來道院訪
陳迹正值清秋滿空谷山高入雲泉涌地楮柏荃
蘭自爲族真人一去丹井荒百六十年如轉軸後
之學者豐去奢羽化猶能繼前躅如何近代久寂
莫役鬼驅雷事難續歸途憩坐山色暝下視松溪
漾寒淥樓前僅存鳧氏鐘可怪銑于半紆曲縉雲
令尹夢中宇人說鐘鳴字未足惜哉此碑今渺茫
何況大書韓擇木

永寧觀鐘唐乾元二年鑄宋宣

和初罹兵火未鑠也韓亦有碑俱失所在

八月十八日度尹源嶺有結茅者在焉

衰老還登陟吾生亦太勞
菅騰愁欲墮偏側望彌
高礧底沉松櫟雲邊接羽
毛何人獨居此日日對
蓬蒿

隔舍

隔舍聽祠鬼中宵巫覡尊
里人司鼓角鄰女獻雞
豚盡室黷松火當堦扣瓦
盆懽娛天欲曙醜酒說
迎恩

毛源道中

松陽縣東二十里

毛源真樂土比屋在山阿
習俗元淳樸林泉亦委

迤力田終歲足伐木四時
多邑宰如寬政斯民易
撫摩

題葉公祠壁

公名希賢松陽懷德里人繇賢

良初為監察御史建文四年夏六月靖難

兵自金川門入公亦從亾為僧卒之時踰

百歲矣

有明帝業初熾昌公已通籍稱賢良端居南臺獨
正色是時手自飭紀綱北平事起太倉卒祗謂君
側齊與黃豈期八紘漸昭布頓令讓帝趨遐荒壤
衣髣髮且乞食公即誓死從之亾補鍋者誰亦奇

士相逢歌哭俱慨恍公嘗匿影誦周易實謂憂患
元無方孤忠輪困四十載可奈老死天茫茫余今
旅跡過公里仰視采桷增感傷千秋臣節在公等
後世小儒徒激昂幸聞典禮重鄉祀令尹明日登
公堂如公食報正未艾宜酌桂醕申椒漿

忼平聲

繩牀十韻

山城九月初衰老骨易瘦寒飈振林葉布被喜新
就深宵不能寐榻壁聽檐溜因念羣屐兒錦茵設
中篝何余命窮薄旅榻蠹且陋轉側時有聲沮洳
類蒙疚會當治菅蒯併力視結構重繇增一寸庶
可敵醇酎簾垂茗椀前篆冷窗月後栩栩感清夢
此樂信天授

自戒

履嶮升高難復難歸來旬日尚愁歎當時若墮雲
深處那得天風振羽翰良亦神與我共盡補林
九日登入此不接致意固味有本氣此
黃花初放袷衣涼老大逢時祇自傷曾記昔年寒
衣葛至今四十四重陽

集西屏山二首

爲客懽不足况逢秋杪時出門信所適颯颯風吹

衣緣梯陟崇岡木葉先已稀何人種松櫟大本今
十圍千峯列吾前叢菊開正肥馮闌忽有念濁酒
聊共揮
寒林生墟煙落日在山徑往尋石泉處一勺自清
瑩虛中不盈尺挹取每難竟固知有本原汎濫得
其正我今漱芳潔心遠身亦輕與君毋遽歸松濤
此方盛

緣谿二首

夾岸人家萬木稠碧岑黃葉盡成秋明年我欲移
居此最愛門前谿水流

倪迂舊法類郊寒著筆無多墨潘乾爭似此中生
色畫四山重沓水漫漫

勞勞

勞勞南北歲相因自笑華顛旅食人無限閒愁似
庭艸一番除却一番新

十月一日寄荅荆南某觀察

故人旌節望迢迢尺素重來苦見招非謂楚江風
物異楚江西去不通潮

惜桃竹杖并序

按志林云桃竹葉如櫟質如竹節密而中堅蓋

天成拄杖也嶺南人多種之余憶辛卯四月遊
台州見有密節叢生者與志林所云無異曾得
其一以歸裁而爲杖然每尋常視之而未考其
實今乃志余媿焉
古人箋蟲魚亦多識艸木禽經與月令辨別固已
熟一事或偶闕援贖必反復今人殊不然茫昧者
心目往余客臨海山郭映初旭借居王氏園庭下
列叢竹疎葉散清影直幹森好玉主人分贈我彷彿
自淇澳焉知有本原嶺表者其族子美舊篇在
鄉也未細讀馳書戒諸子毋令塵垢觸歸時三摩

抄賴此蹋春綠

泊呂潭二首

松陽縣東南三十里

此地儘堪肥遯我來正值清秋林外息息落葉門

前洩洩寒流

洩音裔

巖壑參差不斷居人共業桑麻爲怪畫圖何處邨

西一片歸鷗

遣懷

信美非吾土歸時有敝廬隔垣花灼灼依檻竹疎
疎春日靜無事秋窗寬有餘老夫趺坐處羅列等
身書

十月見桃花開叢菊中

秋籜春莩迥不同安排時序屬天公何人獨借東風力故向籬間發小紅

舟車集卷十三

男 蔚文虎較字

舟車集目錄

卷十四

穀日雨雪二首

登環山樓

春遊曲

自松陽歸二首

招飲四首

太原世德詩二首

築艸堂基喜得九十八字

送友

擊柝謠

江干謠

新竹

老夫石田歌

犬逐狐

過張孝廉書屋

試茗圖四首

橫塘阻風二首

池上吟四首

昨夜

七夕集注雅堂二首

重汎鴛央湖

月夜懷雲堂冰壑

中秋日坐雨

題姚山圖

贈盛寧山二首

步虛詞

歸舟

舟中

重別項東井

重登金山得九言詩

過焦山二首

謝梅栽二首

京口示阿蔚

宿龍潭驛

遣悶

自信

題長干寺壁

雨雪憶蔚兒北行

晚坐

李廓園饋酒至

寓齋

除夕前題壁二首

舟車集卷十四

寶應陶季 以字行原名激

古今體詩 起丁卯春正月至冬十二月

穀日後雨雪不止二首

細艸青青不盡寒
林漠漠相於何處
縞衣仙子重來徧
集庭隅

記得去年驛路參
差正發梅花不謂
至今畱滯頻看皤
髮天涯

登環山樓

山縣既寂莫雨雪
當首春一旬且未
已泥淖徒陳



三百五十七
陳今日忽開霽朝光散清真微風蕩遠水茂樹蹇
高旻馮虛縱四眺殊怪所見新千山盡改故委積
璫璃銀鷲鳥去無跡貞松相與親高下視若一何
繇問蹏輪此際實變現璨瑳疑有神日出更畱照
嗒然還大鈞

春遊曲

委巷人家徧艸萊一枝梅萼犯寒開橋東舊有夫
人廟不是尋春定不來

相傳爲陳十四夫人廟去

松陽縣東北二里求嗣者無虛日

自松陽歸輿中二首命兒子震記之

千章松櫟蔽山阿幾曲人家隱薜蘿記得我來春
雨後今年花發又相過

昨日籬間吹落英東風習習雨初晴兒曹莫訝農
功異二月山田盡火耕

真箇友人招飲喜屏間吳儂善謳卽席四首

生色芙蓉稱管絃似多愁怨却翩翩初從鬢影看
當面正泣春風十五年

一聲紅豆勸清尊寒月斜侵薜荔門今夕不妨沉
酒甚主人高義獨畱髡

換徵移宮總斷腸爲君先盡一千觴須臾月墮五

湖外我醉欲歸騎鳳皇
天河橫轉漏參差絳燭晶熒照此時眉黛兩行催
拍後不知誰識杜分司

晉陽號淳樸舊為陶唐民所習在耕鑿猶未漓性
真閻公生其間抱道非等倫縣衍逮七世挾筴淮

開經綸大本業方茂溪源澤彌新吾聞厚福人有
德必有鄰

前人重邊陲扼吭固有道塵沙吹疾風耿介識勁

艸吁嗟叅議公屯牧向秋堡是時獨立難中懷怒
如擣大府既簡倨執政亦儼巧息息當橫流歸計
恐不蚤左右獲就養昆弟相與老著書遺子孫傳
之以為審 叅議謂龍門先生世科也

築州堂基喜得九十八字

前年茅屋買兼土兩月傾囊治環堵規樞寬衍三
畝餘瓦礫坡陀豈堪處今將勉力構安宅且運泥
沙煩鋪杵辛勤偃僂勞百夫已判萬錢不須數眼
看如砥廣十丈計日經營可承礎未移東舍作庖
湏先拓南榮置堂廡老夫閒適於其中永結求羊

以爲侶
南樂置堂
燕安夫問
此其中心
亦誠亦美
送友
十文信口
語管下本
勤未絲東
合於感
千里恰逢帆便一尊聊對花開須記此時相別平原落日登臺
擊柝復擊柝城中居民半蕭索去年冬初食糠稂今年春盡煮藜藿富家貫朽粟糜爛猶慮田園未充拓兒孫紈綺差勝人實類乘軒懿公鶴城中之豪怨久積相與鉤連暗鈔掠滿城警備不敢臥伏處皇皇如避瘡崇墉大屋究難入胠篋掇丸意殊

惡何時使君新政成再見買牛共耕鑿

江干謠

風柔艸淺水平渠正是江鄉四月初聽得有人開網後兼程三日進鱖魚

新竹

牆東舊竹土膏少翠疊綠勻猶矯矯今年簣土添一尺漸覺風枝倍妍好况逢春雨日霑足戢戢勾萌盡呈巧縱橫無序爭欲前突兀離羣宛相勗我來坐此清影下仰睇高標亂晴昊當知艸堂今且成正汝西窗萬竿老

老夫石田歌

老夫石田耕已久歲歲泉源到溪口縱然秋穫苦
未多猶喜餽糧得栖畝今年溪涸雨澤絕龜坼參
差大如手江湖阻遠徒相望難免倉皇問升斗我
願天公蚤霽霈莫更祈田待豚酒從今豐稔年復
年俾我餘三且耕九

犬逐狐

狐狸白晝學人語踞坐嗥嗥竟爾汝旁人聽者指
爲祟不是饑鳶嚇腐鼠豈知一犬初吠形信信泉
犬齊吠聲逐狐遯走墮毛血遠近盡羨盧令令當

知狐犬本一類搏噬相遭偶然事吾儕何必窮其
源徒有臨風發三喟

過張孝廉書屋

門巷蕭蕭蔓艸多人琴亾後雀堪羅吾曹爲有西
州慟二十餘年不忍過

雲堂試茗圖四首

論水曾聞陸季疵窮源分委世人知而今更得旗
槍妙不似頭綱八餅時

活火新泉二沸初先生夢覺正蘧蘧傾瓷素手殷
勤至解事朝雲恐不如

林下風流更有人相偕燕坐意清真遙知細語能
分別未肯息息便入脣
圖裏閒堂風日清名香瑤席總移情老夫福命真
窮薄錄錄舟車負此生

小暑日往訪橫塘故人阻風二首

顛風勃發水滌洄六尺蒲帆不敢開惆悵入門初
沐罷疾雷驅雨徧山來
幸不傾危已萬全歸時仍宿五湖邊分明去住關
天意莫謂風濤是偶然

池上吟

引堂堂前青鏡開薄雲墮影光照回風吹縠紋柳
柁綫日暮衆魚循岸來來時戢戢唼萍藻掉尾分
曹錦鱗好悠然咫尺不畏人下上相忘更相矚策
策庚庚定有名竹林幽靜水源清人生不及此魚
樂增得踟躕無限情

昨夜

昨夜橫塘蕩槳歸人家燈火漸稀微徒聽月黑雲
深處似有鷓鴣飛

七夕集曹孝與注雅堂二首

南堂吹急雨相賞意忻然落葉初驚候鳴蛩欲暮

天孤蹤真汎汎令節任年年且自判沉醉千秋各
勉旃

涼颼方中律河漢轉西隅金氣正潛伏炎歊知漸
蘇垣星同照野山雨恰通湖此際誰能寐遙憐清
夜徂

重汎鴛央湖

商飈竟移律颼然秋思多城南雨新霽靜日增妍
和蒼茫記昔遊歲月空蹉跎今茲弄舟楫復喜臨
酒歌雙湖間汀洲灌木蒙煙蘿登高且延佇戀影
倏已過淵中羨羣魚相忘意靡他人生亦有志弱

躋當奈何

董文敏有碑書魚樂國三字徑二尺許

月夜懷雲堂冰壑

搖落梧桐秋已分舊鄉兄弟惜離羣鴛湖雀隹松
江膾每值銜杯甚憶君

中秋日坐雨別項東井曹孝輿

我來忽踰九十日日對碧梧分較書固知往事論
乃定先此一堂懽有餘序逢大火改躔後花發小
山叢桂初來朝風雨若晴好更欲挂帆隨所如

題米元暉姚山秋霽圖答項東井

昨日西軒聽寒雨爾我相忘客為主喜君却送縑

素來展盡約可三丈許淋漓墨瀋萬壑樹亦有空
明夕陽浦溼雲乍卷畱半山老屋無多帶平楚細
看此實誰所作云是敷文舊臨譜金題玉躐自矜
貴小印赤文難悉數我聞虎兒落筆甚敏妙豈獨
當時踵前武願君藏弃勿示人恐被雲中六丁取
虎兒元暉小字也官敷文閣學士

盛遠字窈山通禪理頗合所聞率贈二首

鴛湖湖畔采菱灣幾日扁舟信往還聽說辦香樓
甚好扣門先識盛窈山

曹溪瀉仰不須參庭柏巖花舊指南但飲一瓢干

日酒醉時彌勒與同龕

窈山樓中瓢笠具在

步虛詞爲南宮二羽士作

偶向蓬山頂上行仙童兩兩正吹笙遮余共吸金
莖露縱是忘言亦有情

歸舟

歸舟敲側布帆低野闊沙明萬樹齊最怪夕陽畱
不住一川寒碧寺門西

舟中

籬菊依依漸有花輕舟猶自繫天涯逢人莫怪縑
衣薄料得重陽可到家

重別項東井

息息竟逐片帆回，悵望秋原共此杯。
須記他年徑山約，願君強健我能來。

九月十一日重登金山戲爲九言詩卽命蔚兒亦效此體

我記往者戊子秋，七月曾買扁舟得與良友同涉。
江載酒來醉此山頂，是時月明如璧方在東江聲。
蕩潏直下幾千里，南徐北固錯落當我曾。只今追憶忽踰四十載，自笑鬢然齒豁頭已童。
何緣停舟更及寺門岸，最喜塔鈴靜寂無天風。褰衣拾級憩

坐日卓午，聊與傾尊斫臚稱酒。雄汝曹毋學錄錄處禪，蝨卽此噓喻帝座元相通。摩抄青壁徒倚且未去，諦視下方一切多瞽聵。
良友謂顧赤方也

過焦山觀古鼎二首

涉江虞風濤，客子祇竟渡江門。山屹立莽蒼，隔煙霧。今晨獨晴好，抽帆踰北固。淡沱明鏡中，倒景見芳樹。汀沙帶千尺，振羽多白鷺。一徑何委蛇，竹房亦棊布。焦公栖隱日，結志麴所慕。被詔徒殷勤，肥遯實其素。

策杖縱幽討，來尋海雲堂。逢僧詎祕奧，乃得觀古

光質園盡尺咫字碧留琳琅倉卒未易辨一一須
考詳我聞諸昔年貴族所審藏鬼神覲其室久則
爲旤殃後人悟斯義胥願祈樂康置茲清淨域永
以從法王 此鼎高一尺五寸二分腹徑一尺五寸
八分口徑一尺四寸五分耳高三寸闊四寸二分
足可六寸一分深八寸二分辨字七十有八闕字
七疑字八蝕字二具載程邃圖中其繇來則有王
考功西樵序之云云

縱權園主人分贈梅栽荅二首

城隅池館最窳人次第天工爛熳新何意先生有

遐思特分春色到南鄰

牆東三畝正荒寒種竹無多只數竿今旣得朋真
耐久老夫須向雪中看

京口示阿蔚

久思遵北轍今忽駐江臯世事每難必吾生徒自
勞新田虛豆麥舊宅尚蓬蒿但可牆東隱駸駸任
汝曹 蔚兒將有薊門之行

宿龍潭驛

落日照山背西風吹未休馮車迷遠道卽事感新
愁小市魚罾舍空潭荻葉洲隔林鐘磬起今夕又

淹留

遣悶

世路多山鬼相遭太嶮巖定關余命薄偏使物情
疑仰食兒孫壯安居歲月遲北征應有待傳語細
君知

自信

自信從來鼓瑟羣情却愛吹竽可惜臨江一曲徒
令路鬼揶揄

題長干寺壁

長吟抱邾殿西頭心力衰遲賸百憂三十四年前

此住炙笙噀酒最高樓

謂甲午冬日也

雨雪憶蔚兒北行

密雪念行人息息驛路新楊裘元太薄餘篋更全
貧到日將移臘果時定及春豈知江上叟還擬蹋
京塵

晚坐示某禪人

地爐松火自陳陳聊撥寒灰說淨因豈意北堂鐘
磬後雪意如軍太侵人

清豐亭春園饋酒至

招提何處覓樽罍重拚松關晝不開誰料使君珍

重意白
人自雪中來

高齋

六尺屏風善有詞
我來重複細吟思
此翁亦是無聊賴
彷彿前人青杏兒
青杏兒詞元人多有之

除夕前三日題壁二首

兩雪凝陰後
初開半日晴
坐時逢老衲
聊與話長生
遠閣龕燈火
虛堂梵唄聲
息息又薄暮
誰解索居情

隨意撥寒鑪
迢迢清夜徂
遷流從世事
堅白且吾徒
倦翮栖難定
窮鱗澤易枯
米鹽知闕久
不敢問

齋廚

舟車集卷十四

男

蔚文虎較字

舟車集目錄

卷十五

讀首楞嚴經口占十章示禪者

題芥子園

無題

飲高座寺梅花下

戲贈某少年

寄題縱櫂園四首

重登長干寺塔

觀嵇生自題畫

秦淮水嬉

弘濟寺二首

真州桃花邨

卽事

畱雲堂小松

寄哭汪蛟門四首

題竹林圖

水程雜詩十一首 望李白酒樓

續水程詩十三首 鄭家口別陳大冰壑

薊門遇阿蔚 題潭西艸堂

伏日 遣悶

題畫扇 七夕

雜感 立秋日

簡某生 重登大慈仁寺閣

將之津門 津市

往昔四首 荅客

寄湯西厓 寄勉阿蔚

臂痛 登天津環水樓

堅冰 津門冬至日二首

語鏡 十二月朔日

舟車集卷十五

寶應陶季 以字行 原名激

古今體詩 起戊辰春正月至冬十二月

讀首楞嚴經口占十章示雪林禪者

佛說已無贖義人心猶惑前塵獨有上根修證超
然自合天真

世界剎塵有盡如來空性無邊底事凡夫易足逢
人說小乘禪

六妄新新不住堪憐似火成灰况是日遷月化誰
能辨別繇來

莫問龜毛兔角幻情都是疑根但得妙明轉物便
知成性存存
何謂一門深入根塵六六相同爲憶如來綰結當
時原有初終
狹劣自然無識平生如隔迷雲可奈四纏五濁徒
增苦集紛紛
早自發明增進兢兢莫墮波旬試揆僧伽梨裏分
明各有家珍
何處十因六報從前造作根心最惜性空真覺凡
夫不解追尋

憎愛都無是處攀緣亦屬迷途直悟空生大覺當
前卽見文殊

遮業未曾淨盡安能獨證菩提須待猛風吹後一
輪月照天西

立春日題芥子園

何人歌舞地詰曲向嚴城池館猶殘雪簾櫳正落
英每多窺客處同是倚樓情莫訝頻呼酒春風芳
艸生

無題

促坐藏鉤已定情酒闌私語更相傾無端戍鼓催

歸急倚馬踟躕不肯行

同諸子飲高座寺梅花下

長干舊里真名區琳宮紺殿天下無乘春冶遊不
知數連錢審馬油壁車我來磴道得古寺短垣梅
花三兩株入門雜坐夕陽好清陰滿地孳平蕪花
枝照人正灼灼宛似絳脣頰玉膚微頰薄怒弄千
態且與放歌傾百壺我聞花光筆墨擅敏妙南枝
北枝皆此徒只窻判醉莫歸去酒盡爲君須再沽

戲贈某少年

花底秦宮酒態多春來偏稱曳輕羅清臚皓齒真
無匹不用逢人嬌唱歌

寄題縱櫂園四首

城隅通淥水勝地實天開白晝移船入清宵待月
來數榮占艸木次第得樓臺更許求羊過閒時共
酒杯

參差楊柳岸結屋竟馮虛坐嘯獨無事行吟懽有
餘南榮窻送日北牖稱繙書數子今來往何人却
起余

梅花三百樹臘月種南陂漸及春陽後都成爛熳
時根荦元有類造物甚無私料得橫斜影紛紛近

水涯

聽說春塘外新添尺五潮連岡環綠野灌木蔽青
霄曠達塵心盡堅貞樂事饒念君多定力巢許不
須招

參差二月一日重登長干寺塔

未法法日替象教繇何年金輪麗重霄窰網恒綴
牽我遊長干寺適在春風前憶昔盛暑月洗心躋
層顛今年復來茲直上捫星躔江流曳縞帶山氣
凝蒼煙六朝代謝久城郭猶喧闐俛視若螳聚寧
越陌與阡天風吹我襟四顧何遷延遐情寄寥廓

願拍洪厓肩

觀嵇生自題畫

偶來石城遇冰雪一月始識嵇師巢酒間搖筆貌
山色可怪木末生洪濤每畱半幅自題詠獵獵斂
手追風騷往者倪瓚率類此沈周長句尤能豪細
書縝密甚有致曾見瞿氏藏東臯君今藻思亦難
敵比擬前哲爭纖毫當知才學已兼到識者心賞
無譏嘲我有東絹只二尺待君塗抹歸蓬茅 虞山
瞿氏舊有收藏倪沈真蹟凡自題者什之九

秦淮水嬉

凝陰三日雷雨急一帶寒河百川集轉眼平添二
尺彊蟄伏羣魚怒生翼橋邊長年饑欲死此時相
望改顏色青簾白舫無數新宛轉都從柳間出我
有同懷黯將別聽此幡然豁曾臆且沽清醕沿迴
波汎汎中洲倚舷立重樓西側誰家子翠袞含情
太羞澀曉雲盤髻高比山秋水填眶黑逾漆當牕
半揜溪映肉遠則盈盈近翻失才聞歌吹起船頭
不覺趨前笑相覓人言九月秦淮涸有耳不曾絲
竹入今年始見此觴讌况喜明燈照如一君不見
從來樂事有衰歇正值東南匱民力吾儕何幸追

舊遊莫惜春衣酒沾溼

弘濟寺登樓二首

谷風吹無時江水浩瀾瀾連檣盡栖泊我亦行且
止尋幽蹋山徑曲折信彼美聊從招提遊秀壁匙
塵滓攀躋入初地勝賞正未已把臂忻有人逍遙
跋吾履

落日未開霽春江蕩空明超然上層臺處處聞倉
庚矯首縱西眺我有萬里情故人不可見意與浮
雲征蒼茫臨酒杯何者爲令名但期永相樂毋使
華髮生

真州桃花邨

夾岸芳菲千萬株分明貌得武陵圖爲農爲圃比鄰住何地寬閒著老夫

卽事

疎簾閒亦好豈意珮聲來似月籠雲出如花隔霧開香塵移莫定豔影去仍回縱是狂夫問雙鬟不敢催

畱雲堂小松

孟夏之月氣和暢君家艸木有殊狀清陰滿庭深閉門左圖右書樂無量我來扣關坐永日客主懽

然信疎放嘗喜貞松屈盤好五尺交柯在盆盎人言此歷歲月久雪幹霜皮丈人行根荻固結金比堅風雨飄搖勢相抗同時觀者但稱羨豈知一徑自昭曠我將移情咏其下更可營巢踞斯上倘能致鶴夜飛來千里雲霄共排宕

立夏後十日寄哭汪蛟門四首

貧交猶記憶二十八年中投分無疎密論詩有異同蒼茫南北路契闊馬牛風底事相懽少恩息任轉蓬

去年曾入郡重坐見山樓笑傲渾如昔編摩却未

休曲房將送老醇酒合忘憂豈料緋衣使催人正
黑頭

孤兒才學禮笑妾未辭房一代名猶在千秋志已
荒丹鉛都寂莫亭榭亦淒涼舊雨關情處無人實
易傷

傳言今已是太息盡交期淚下三聲溼人來數日
遲亾琴廣陵散斷手覺坐詩一束生芻意知君定
不疑

覺坐汪自號也

題竹林圖

漫道知人術未工當時早已笑王戎如何嵇阮清

狂輩猶許貪夫恩此中

水程雜詩十一首

自清口驛至濟寧南城驛

碧艸近依沙際黃河遠接雲間下有蛟魚窟宅濤
聲日夜潺潺

世路原多砥直人心自結離愁可奈昨宵旅泊荒
邨落月扁舟

遲日到簾穿隙微風挾雨生涼只合倚舷高臥暗
聞水際蘋香

夾岸湖光漾白下邳山色浮青我有蒲帆十幅中
流竟日揚舲

隴麥搖風不定沙禽蹴水相呼此日長年聚泊紛
紛競插菖蒲
十里荒湖盡黑平林野燒初紅河伯助人利涉南
來一夜雄風
陂岸風多曳袂渚田艸長齊腰最怪浴鳧深處斜
陽一片無聊
釣艇漁罾自適水雲山木相參柔艫一聲夢覺此
行都似江南
楊柳隄邊仲廟朱門堊壁猶新爲憶在陳在衛當
時賴有斯人

昨日停帆待牖遲徊且泊漁莊破壁幾家炊黍晴
湖到處鳴榔
北舍浴蠶旣熟南邨種豆方新若得舊鄉此樂老
夫何事風塵

濟寧城下望李白酒樓

我嘗考索東郡志已識此樓千載名供奉南游賀
令去其後飲者無豪英今年過此欲登陟飄風赤
日塵滿城引觴咫尺不得遂上有片片浮雲征君
不見從來樂事難屢值古人今人同此情何如判
飲盡一斗醉則臥看銀漢傾

續水程詩十三首

繇南城驛達潞河

獨覓南池舊蹟人言汝泗交流正值月明清夜風
來杜若芳洲

疊疊松陰野寺田田蓮葉湖莊但有小船來往北
風吹水生涼

風過實疏灌木月沉猶照荒湖仡仡勉哉舟子息
息耄矣征夫

白日維舟不發循隄樹棗陰穠客睡此時正熟催
人何處僧鐘

踽踽離羣獨往逢人錯迕偏多賸得孤舟意緒驚

沙烈日長河

細雨輕帆北發浮雲薄暮南征爲憶魯連一矢至
今人說聊城

野店雞鳴喔喔離人夢覺遲遲豈意船窗咫尺曉
風殘月如斯

旅食空囊匝月安居老屋何時博得半窗水宿平
看細雨茅茨

落月鐘聲未動微風酒力初醒最是牽人意緒昨
宵驛路旗亭

索處荒荒何事醉鄉日日堪侯欲買香醪一斛夜

關失問滄州
白晝一聲戍鼓黃茅幾簇人家日映田疇錯雜風
吹楊柳敲斜
百折河流到海津門日日潮生我得輕舟過此乘
風挂席孤行
風急漸知帆轉天空喜見雲流昨日連檣並進窻
人六月如秋

鄭家口別陳大冰壑

逢君翻不樂爲念各衰年緒語清尊後分攜赤日
邊刺船今去此回首莫悽然自有歸閒策吾曹尚

勉旃

薊門遇阿蔚

水宿忽踰月甚多息汝時遭回雖不樂寄託總成
詩乍見還如夢頻來定解頤緣何塵轍裏竟日雨
絲絲蔚兒時客城南余在東也

題潭西艸堂

蕪城先生愛結廬十年吏隱却安居逢人爲說還
丹訣閉戶猶鈔種樹書樓月二分堪對酒巷泥一
尺易停車閒來託宿曾東眺碧水淪漣最起余堂
之側有二分明月樓

伏日

未覺衰遲甚先虞左臂枯去年初入伏曾欲借人
扶記曆應如此還丹尚可圖只今聊鼓瑟不願學
吹竽

遣悶

相逢旅跡任西東交態紛紛有異同儂薄少年皆
蟣蝨直宜投置敝禪中

題畫扇

不羨雲臺不釣名飯牛溪上日躬耕求田問舍山
林事何獨前人太矯情

七夕

隔舍蟬聲亂客眠槐花半落雨如煙馮人乞盡蛛
絲巧一寸閒心似昔年

雜感

馬蹏承塵車轉轂昨夜歸來睡不足老翁此時比
少年春冰峩峩秋艸綠人生三萬六千日去日已
多來日速但能笑拍洪厓肩便理墻東舊茆屋

立秋日

輕風續續雨絲絲悵望迷津得渡遲雲影忽來增
暮色雁羣何處憶秋期貧交契闊今如此上國淹

二百七十四
畱又一時十七年前砧杵夜月明曾有斷腸詩記
辛亥秋日余過曹舍人寓廬有擣衣篇也

簡某生

新豐游俠地豈識馬賓王况乃值貧乏誰爲謀酒
漿丈夫須挾策遇合定無方此意君能解其如秋
夜長

九日率阿蔚重登大慈仁寺閣距庚申九日
又八年矣

幢影經聲出上方重來曳足禮空王樓臺是日猶
增勝松栝何年獨就荒雲裏觚稜聯邃密檻邊山

色遞微茫浮生那得頻過此且佩茱萸數舉觴前
殿偃仰四松無一存者

將之津門

觸熱猶塵鞅清秋發潞河風檣移岸急木葉下林
多人事無工拙天心費揣摩幾時從所好著述老
巖阿

津市

海國魚鹽地謀生各有曹潮通帆影亂日出市聲
高利孔焉能盡民情亦太勞如何塵坱裏一一競
錐刀

往昔四首 十一月六日作

往昔處蓬室荒寒仍苦饑老親愛暴背日昃炊正
遲惇惇只三人顧影相因依出門冀有獲其奈百
不宜我生多屯遭垂老追憶之

窮巷雪初霽遠市粗糶香懷歸以充食親老臥在
牀炊冰煑爲糜左右相扶將進糜愜親意餘者乃
一嘗子道誠闕然念此心悴傷

侍疾在親側朝來竟沉緜皇皇實無計搏穎徒願
天上之徵百靈下之詎重泉所祈盡茫昧飲泣私
自憐蹒跚而履霜徧越陌與阡

含斂禮未具擗踊不欲生姊來喻以義次第奠兩
楹每思屬纊時誣諉雙目矐至今有餘慟錄錄無
所成媿彼田舍兒繼志猶躬耕 是歲先慈猶殯于
堂也

荅客

我耕石田四十載南北溝塍屢遷改中間豐稔能
幾時但遇荒災便饑餒男婚女嫁全賴此蚤夜辛
勤孰敢怠雖然秋穫有異同人事分明究无悔今
年牛老苦乏力漸遠沮洳就爽塏豈知雨澤恒愆
期憔悴無繇愬真宰已戒兒孫各徙業舊日犁鉏

可焚毀老夫更覓同懷人戴笠持竿嚮東海

寄湯西厓

往歲與君別扁舟入楚郢遲徊漢沔間次第見要
領歸來向甌越所至實多梗終如負鹽車駑鈍安
得騁聞君遂初志典較蓬山頂咫尺排天閶凌風
吸倒景昨余到京國僻處近鼃黽閣閣聞秋宵萑
葦亦踈冷門前即塵轍彷彿墮溟滓豈知嚴城南
明月照千頃相望不相值老懷類生癭還以秋爲
期尋君論修綆

阿蔚讀書京師寄勉之

古人博學須慎思茫茫理窟無盡時今人謏聞便
自足歲月一去難重追我憶少年苦探索會逢兵
燹多流離借鈔鄰書失本末中間奧義何繇窺至
今樸學老愈鈍不及匡鼎差解頤汝曹才質正堪
學况有弱羽初紛被天風扶搖在咫尺萬里寥廓
皆所窺今年老夫左臂實梗拙已類白日將西馳
願汝努力愛此日毋墜學業從荒嬉

臂痛

我憶壬子歲脾弱祇清餓證治煩藥餌君臣必兼
佐靜攝百餘日陰陽復相和三彭奚能爲二豎亦

三十三
犇播今年苦左臂攣急甚無那此中疑有鬼令我
少安卧書云在肝脈寒勝筋則挫日飲蠲痺湯衣
袂久沾漉所喜右無恙百事隨小大晨興理筆研
敲側誦楚些轉眼忽踰月每覺增嬾情何時關彊
弓一笑百愁破

登天津環水樓

明月荒寒照沈澗不成鄉夢坐深宵那堪寂莫籛
霜外無限天風送海潮

堅冰

堅冰一夜斷河流車馬行人苦未休聽說薊門歸

使急滿堤燈火照前頭

津門冬至日二首

仰食仍多累今居水一方浮生知近老客舍喜迎
長暴背占新曆逢人說舊鄉何時共親串安穩醉

溪堂

薄暮初逢雪衝寒有敝裘此間多寂寞吾道合淹
畱著述從孤性登臨動百憂故園如黑子亦近海

西頭

語鏡

匣裏曙光開周旋日幾回旅人歸念切皤髮莫相

催

十二月朔日

襪被熏爐火尚存閒息蹤跡對黃昏去年此日招
提境密雪寒燈正揜門

舟車集卷十五

男 蔚文虎較字

舟車集目錄

卷十六

立春日

偶成

寄題戚家婦祠

將之濠梁二首

高唐道中

兗州曉發

經鄒縣

滕縣

徐州卽事

三月三日

送客還江寧

聽琵琶笙二首

得家書

聞阿蔚南歸二首

偶憶二首

翫月

犬齋二首

觀傀儡

記安邑邢氏女

未許二首

題畫冊

荅相士

懷人

見庚午曆

哭顧赤方三首

哭少子阿聰

眼暗

密雪

湖堤感舊

入門

舟車集卷十六

寶應陶

季以字行

原名激

古今體詩

起己巳春正月至冬十二月

立春日

綵勝青幡集畫堂人來磬折頌年芳聊同濁酒曹
騰醉尚闕寒梅爛熳香北道堅冰應自泮南榮暖
日較初長遙息竹徑吾廬好燕坐何時樂未央

偶成

沮洳河冰冒淺沙燒痕凝雪未抽芽春風此日江
南地開徧寒梅即杏花

戚家婦事載吾邑志中舊有專祠臨水負城
祀以木主至今常凄然多秋氣縱擢園主人
葺而新之將徵吾里人詩劖諸石噫風俗浸
薄堅貞為難正不可使其無傳也

大倫始夫婦貧富理則同貧家初結褵如日乃在
東嗟哉戚家婦新妝照顏紅入門尚羞澀未拜姑
與翁堂前盡六親語笑何息息豈期失所天白日
遭晦蒙沉哀淚至地從一今鮮終明知賦命薄膏
沐誰為容題詩以自傷潔身潭影中
將之濠梁二首

敝帚千金價庸人總不知徒令天下士每歎結懽
遲歲月淹行旅風霜改鬢絲此來盛賓客猶似鄭
當時

莽莽淮西路因人豈自繇輪蹄踐塵轍霜露溼衣
襟韻石元堪采嘉魚亦易求到時春雨足農事不
須憂 靈壁產石磬臨淮產魚最肥美

高唐道中

舊井餘三戶荒城接五衢謳歌善移俗猶記說縣
駒

兗州曉發

郭外連山暗林間宿霧收信知東郡好何處覓南樓

書共經鄒縣未及拜孟子廟
九九松柏大賢祠我欲停車一拜之可奈僕夫驅
已過路南惆悵獨多時

邨落人家半市廛紛紛晨起雜炊煙如今到處春
耕盡不是當時舊井田

徐州即事

郭外荒煙乍有無黃樓轟轟望中孤鄒滕壤錯猶

千里豐沛山深但一隅隔岸田疇今盡闢眠沙雁
驚自相呼昔年此地分爭日多少英雄起霸圖

三月三日同諸子登中都譙樓

鍾離舊名郡地絡起豐沛前王恢鴻模剏造於此
最塗山莽羅列淮水日縈帶層甍搯雲霄却與鼓
鐘會決皆千里內放志九州外朝暎侵檐楹晃朗
天宇大吾曹尚旅食俛仰同一快况茲逢佳辰艸
木已森蒼

送客還江寧

江南櫻筍尚遲遲君向江城我贈詩爲憶去年三

月杪秦淮河畔聞新詞

聽琵琶笙二首

四絃如一奏清商賀老當年已擅場還記同時薛
逢好每從詩裏說曹剛
當杯傾耳莫嫌遲八歲歡孃亦解吹三十六簧難
再得不堪惆悵落花時歡孃見薛能詩集○殷堯
藩吹笙曲三十六簧能喚風

立夏日得家書

歲歲營婚嫁難難累老妻致令增痲疾寧免雜悲
嘔藥裏關心切蓬門極望迷如何衰白叟猶日滯

淮西

痲音換癰疽之屬

五月一日聞阿蔚南歸二首

遠道忽逢信息息知汝歸此行須觸熱不是願乘
肥赤日荒邨飯緇塵遊子衣弟兄相見喜先得侍
親幃時細君疽已潰矣

從容將母日邾下有孫雛學步堪提抱牽裳任笑

呼謝家庭樹影陳氏里門圖此樂關天性何時慍

老夫

孫雛謂曾武

偶憶二首

半帆涼雨半帆風夾岸蓬茅到處同十里徑行三

里住去年憔悴只船中 苦待補也

銅坑五月楊梅熟曾有山人蚤見招正值半塘新
雨後開帆咫尺過楓橋

戍鼓無聲沈瀼多依稀南斗曳秋河年年最惜清
光夜疆半都從客裏過

莫謂當前投骨遲繇來情態總難知試看掉尾依
人處便是信信作怒時

觀傀儡效西施舞

秋宵過雨來竹風傾尊列幄蘭堂東銅盤十二爍
銀燭次第卷簾清晝同何人變幻此木偶未踰三
尺雕鏤工妍媸老穉各盡態彩服照耀新妝紅問
彼制作始何代荅云傳自長春宮周旋笑語雜諧
謔彷彿進止尤春容客言效舞此第一頃刻按節
聞笙鐘眼前宛然苧蘿女明璫翠輿何纖穠迴身
却步小坐手綽約如在杯槃中更為屈柘不知數
一曲遶梁還未窮我嘗十年作客住吳會最愛舞
帚歌懊懷豈期此物亦敏妙能奪化權兼鬼功君
今莫謂是小技屏幃雖隔精神通揣摩未成便生

澀甚矣流俗多夢夢

安邑邢氏女守身拒狂暴而死邑諸大夫士
各爲詩歌表章之矣重九後二日余聞斯事
口占一百七十五字記之

荒邨桃李春未開惡風驟雨何繇來柔條咫尺易
摧斷徒令見者增心哀昨聞河東安邑邢氏女家
在岳灘西畔處生年十六初字人正性幽閒實循
矩今年邨舍元宵時維翁與姥行相嬉盈盈女兒
尚羞澀倚樓延佇情所窶豈知鄰人覩其隙躡影
從之肆狂逆女心不二金比堅怒罵息息竟罹厄

身櫻白刃橫陳死月轉天中照灘水家人旣覺爭
上樓血色糝糊夜凝紫嗚呼邢家此女非博名守
身爲大窶輕生君不聞湛淵蹈火古人事至今傳
說猶傷情

未許二首

未許當前子夜歌明明咫尺限銀河誰憐十五雙
鬟女博得空房清淚多
退院幽閒徑絕蹤蘭堂簾幙影重重何時竟得騎
魚去嫁與尋常賣菜傭

斷岸渺無邊
邨墟生曙煙
東風挂帆便
不是下江船

荅相士

老大蒼茫治石田
茆堂閒却舊青氊
但圖晏起無塵累
飽飯行吟二十年

懷人二首

夔燭照無聊
離憂莽未消
自從前月信
猶隔浙江潮

漸讀潛上聲

見庚午曆

此物催人老
重重節序多
正窻閒自適
其奈未歸

何

哭顧赤方三首

蕭晨初沐罷
書自武昌來
老友見無日
寒雲凝不開
寢門增涕淚
文苑失鄒枚
吳楚相望遠
何繇盡一哀

仲冬三日得李劬菴書云赤方塲矣

今年三月杪
聞在石城東
寄語猶相念
新懽惜未同
交期江漢日
世態馬牛風
底事營婚嫁
息息得固窮

赤方有八子二女之累

傷心城北路
蠖伏自春秋
此地應蘊骨
無天可寄愁
數椽從僻小
諸子合藏修
獨有遺編在
何年下

詔求城北熊化嶺其隱居地

哭少子阿聰

去夏我北發記汝頻依依今年踰仲冬汝則永別
離視汝赫蹠字諱疾已可悲恐增老夫憂委曲必
致詞汝兄書每來謂汝方延醫斯時侍母疾咳血
尚未治醫云且當婚調攝其庶幾老夫自占吉願
汝歡結襦丁寧戒汝兄次第從所窻豈圖數日事
精氣倏以衰沉緜無一言勸汝將何之會須見阿
助冥漠仍肩隨汝母悲失聲汝兄雙涕洟老夫淚
已竭迸出如懸絲還聞瘞新阡野燒春風吹老夫

正東邁哽塞瞻路岐

眼睛

昔有西河慟年來淚忽枯豈期重隕折添却視糢
糊點黼詩書在懽娛歲月徂及歸堪自老庭竹未
蓁蕪自丙辰六月之慟今復遘此

密雪

密雪礙行車蒼茫細路斜此時淮水上僮僕正還
家

立春日湖堤感舊

五十年前最苦貧曾來貸粟養吾親荒湖落日邨

春飯破壁昏燈旅跡人徒步委佗沾急雨布袍憔悴觸輕塵而今衰老空追憶又值車中逢立春

入門

入門矐矐寒日低徒聞老妻向壁唬兩兒勸我勿悲咽復有穉孫牽我衣牽衣在前意獨喜老妻怪之唬亦止世間物理焉有常夢覺參差類如此君不見庭花落處能更開斯須爛熳春風來

舟車集卷十六

男蔚文虎較字

舟車集目錄

卷十七

上元日集樂志堂 正月旅行

觀泗州靈瑞塔碑 鳳陽西南舊陵

舊皇覺寺 春分日寄震蔚

滁州道中 三月一日

崇川口號 重九後題寺壁

登支雲塔 河冰四首

除夕前一日 穀日荅某

贈彭處士 荅人寄斑管筆

觀顧瑟如山水

挽南鄰

崇川贈徐湘陰

舟中

題戴務旃畫冊

姪

上巳日

春寒

刪竹

贈眼醫

觀縱櫂園桃花

題王生四研

新蓮葉詞二首

胡公方伯新園圖

謝喬侍讀

夏寒

螢

舟車集卷十七

寶應陶

季

以字行

原名激

古今體詩

起庚午春正月至辛未夏六月

上元日集樂志堂觀舞燈

春宵對客春滿堂
腫腫如盤明月光
主人笑倚青玉牀
蘭膏四照吹芬芳
吳儂合拍歌擅場
乘時惜景非怠荒
酒間演劇誰最臧
邯鄲盧生夢黃梁
盧生功成還舊鄉
殊錫宛如異姓王
衆子拜爵列下行
紛綸錦衣與繡裳
樓前設樂羅紅妝
無數窰釵金鳳皇
雙擎明燈周四方
迴眸緩節飛且翔
須臾

萬舞兩翼張八門互開相激昂三才之理柔克剛
儀天矩地焉有常星流電轉尚未央傾倒百壺更
漏長上客旣醉月在牆主人樂胥稱壽康
景非正月杪旅行淮泗間
山昏樹密雨來遲薄暮荒原悵所之雙鶴不飛如
有意向人延佇獨多時

觀泗州大聖寺靈瑞塔碑

往昔佛滅度舍利周四方建塔表慧照亦以資吉
祥茲州近淮壩有寺依崇岡人言寺中塔始叔繇
盛唐流傳至建炎兵燹侵我疆其塔獨靈異忽如

大鳥翔再言此僧伽東遊來雒陽飄然過淮泗卓
錫聲琅琅掘地得金像爛曼生輝光師云普照佛
有石記且詳乃是齊舊寺見者胥受慶是時教大
行四衆歡如狂迄乎延祐初世治年豐穰下令重
建塔紀載須文章維臣趙孟頫次第能闡揚我今
讀其銘秀句坐芬芳支提歷千春鎮定猶勝常願
茲淮流平循蹟趨大荒

鳳陽府西南舊陵

前王開天初制作擅九有大者惟尊親名實斯不
朽推原自仁祖樹德豐且久旣生神聖姿勘亂孰

與偶雷雨造艸昧拓地先戍守比肩多羣雄儼若
星戴斗濠州本根地佳氣在岡阜諸峯峙於前平
陸繞其後我來眺遺蹟臺殿已培塿當年樵牧人
曷敢妄趨走享祀及三百祀則用玄牡今餘坐訓
碑其文尚蝌蚪

舊皇覺寺

殿閣至今存當年象教尊激昂成帝業艱苦出沙
門渙汗新題額蠲租舊賜恩白頭僧較少虛壁盡
落痕 萬曆三十八年重修

春分日信歸寄震蔚

細雨和風新艸滋勾萌甲拆未嫌遲人生自立須
堅定試看牆東青桂枝

滁州道中

豐山如黛秀且明下有邃谷寒泉清此時地僻事
亦簡民依畎畝歌太平追惟五代用兵日干戈奮
起相戰爭宋之藝祖實人傑親提禁旅堅如城李
景兵號十五萬倒戈而靡誰敢撓生禽暉鳳蕩其
穴祇餘春雨滋荃蘅廬陵先生舊有記我嘗誦之
雙目矐今年何幸過斯地古人勝事空含情 李景
將皇甫暉姚鳳也

三月一日

江風吹面曉猶寒老眼逢人隔霧看才到真州放
船處杏花牆角又春殘

崇川口號

重來今已夏清曉獨生涼不是經新雨何繇辨異
方城連江氣白山壓海門長最怪朝宗意年年入
大荒

重九後醉題狼山廣教寺壁

臺殿蕭蕭徑艸黃昔年僧老鬢毛蒼重來只合供
吟眺莫問何人選佛場

登支雲塔

江流日東趨蕩激聲不已浮光抱樓殿金碧互爭
侈馮高仰清晝帝座通尺咫涼颼何方來雲氣集
吾履蓬山幾人到濁世妄相擬還聞有歸墟奚翅
三萬里老夫筋力弱攀陟實自喜茲遊非所圖共
醉良有以

河冰四首

殘臘凝陰處處同不關前路石尤風行人更覓春
消息博得茆堂地火紅
減米同炊冀瓦全風燈無燄暮寒天鶉衣婦子躡

難甚不似西江估客船
隨處冲冲鑿未開
燭龍西去又東回
馮高一望蒼
茫盡何事
寒風復夜催
木落門前
曉曙鷗酒壚
西畔即天涯
相逢正是淮
南客一笑
同歸坐小車

除夕前一日車中

林杪鵲聲乾
息息臘又殘
藜羹充夕膳
茗粥應晨餐
望裏青天滿
行時白地寒
相隨半僮穉
盡得藉平安

穀日荅某

老矣風塵客
頻年意緒多
驅馳厭牛馬
寄託愛雲蘿
築室無長策
當杯且浩歌
會逢安穩日
一笑慙蹉跎

贈彭處士

初春無嚴寒
萬象各螿動
林間鳥雀喜
晴日自啁哳
堂開映簾幙
幽事孰與共
遙遙故人來
斟酌啓碧甕
歡言成薄醉
老態益狂縱
生平念儔侶
幾人類羊仲
君今謝塵拂
者欲久空洞
何如爲比鄰
相

過樂絃誦

荅人寄斑管筆

十丈蠻牋總未裁春堂簾幙嚮明開臨池甚賴霜
毫力無數龍賓集腕來

觀顧瑟如山水

我生足跡未入蜀如未遵海觀扶桑仰參歷井不
知處天梯石棧都茫茫往者曾見設色畫秋城古
道通車箱行人如螳馬如豆努力追逐青山長問
人此是誰所作昭陽筆法真莽蒼幾年南北媿錯
迕今乃重見畱耕堂煙巒萬里在咫尺能自吳越
兼沅湘縱橫絹素盡丹碧比絮六代爭毫芒我聞
吳生畫手入神妙曾無粉本每擅場如君腕力亦

無滯豈但開元一日嘉陵江

挽南鄰

比鄰結屋總吾徒巷北街南近可呼豈料送君東
郭去春風春雨長蘼蕪

崇川贈徐湘陰

塔院逢君惻寂寥息息雙燭話深宵如何偏側人
間事不及空江二月潮

舟中

茆屋人家近碧溪門前不住乳鳩曉來朝莫信無
風雨且爲牽船過埭西

風雨題戴大務旃畫冊

雲中松櫟半模糊更愛牛眠雨後圖
人力不勞耕種畢最寧安穩任潛夫

問事妒又空玉二民

宮中多負恃自古惜王嬙畫手應難信
蛾眉實易傷珮環辭漢主旂旄出沙場
竟得闕氏號翩然脫舊妝

上巳日簡喬二致能

今年挑菜節細雨近清明正值東風後
偏多菜莒生永和傳舊事遲日放新晴
更是陂塘好春鳥三

四聲

春寒

夜雨挾霜氣晨飈侵竹扉林葩才半坼
砌艸未全肥竟日還資火衰年獨進衣
天時異人事相戒莫相違

問前刪竹

一冬冰雪盛能損歲寒枝縱是經春早
其如到竹遲疾風吹不盡零雨潤無私
正藉刪除力清陰異昔時

焚書贈眼醫劉生

梵書云六根所重實在目目光既清淨千里斯可
矚五輪或內眩相近者絲粟苟非傳真詮安敢試
鋒鏃聞君尚書齋問學久充足駸駸方盛顏文采
亦華郁何期有餘力辨析此絡脈靈樞枕中祕素
問誦且熟况逢神山人授與丹篆籙宜乎分毫芒
引手入空曲雲堂吾老友惇行比執玉坐擁等身
書著述今滿篋前年念同氣悲慟盡一哭歸來淚
忽枯動止俱迫盛君能究其要戒令洗心宿筮日
施金錕豁然返天燭吾曹謂吾友厚德固多福君
尤天人姿豈徒振公族

觀縱櫂園桃花聽歌吹

白田城隅春暮時名園萬樹光參差主人樂事曷
有極棗船蕩入青瑤璃纖波鱗鱗碧天動游絲宛
宛輕風吹桃花爛曼不知數嫣紅竊白開能遲傾
敲亞水晴弄色更多弱柳坐低枝中間淡沱落明
鏡橋平百尺通委迤主人愛客豈知倦樺燭三條
照芳醺清臚皓齒紛來前一闋吳歛衆爭羨此時
春風吹不寒星斗歷歷天漫漫誰爲郭泰竝舟去
博得鄰人指點看

題王生湘如沉泥四研

○三百廿九
我生歲歲治石田却被隄糜盪爲白傾敝一足忽
偏重墨瀋侵尋泥人肘去年墮地邊又缺斷水承
塵無不有或書春蚓與秋蛇隨意參差置前牖豈
知更有鄴中瓦潤澤堅凝類瓊玖良工斲削次第
成令我把翫不去手中間最愛井田硯牛小如蠶
卧溪口旁人怪詫鞭不起奈爾辛勤自爲守其餘
硯質亦詭異白琥黃琮竝非偶紫潭出雲坡老詩
石几涵星范公取君何好事兼此物尚欲攜之薊
門走老夫觀罷聊贈詩須信吾家有敝帚

新蓮葉詞二首

池上空明千鏡開玉人猶未試妝來亭亭娉似元
羞澀縱是雙鬟不敢催

翠色才舒一樣平牽風荇葉繞池生馮君日日當
軒醉下有儵魚自在行

胡公方伯新園圖

君不聞梁谿舊有山莊圖擅名獨與泉源俱高人
勝事何代無引流種樹成隱居九峯低昂當座隅
蒸雲宿霧從卷舒漪瀾之堂樂有餘十年不到心
相於維公何年開石閭廣庭複閣連綺疏卷簾清
曉自讀書四時暢適鄰樵漁通林鑿沼縱所如閒

情靜穆觀太虛羨公大智乃若愚舉觴醉客同歡
呼彌綸事業方徐徐今之平泉綠野何為乎
喬侍讀以木石成余艸堂走筆志謝不
子美入蜀門蹤跡寄蓬藿栖遲未有地鬱鬱苦懷
抱及逢裴冀公攄寫即同調為營浣溪寺日領山
水要伊余屢僦屋跼踖誰與告久思牆東任棟宇
須締造今年喜順適囊篋半已耗晨夕仍鳩工心
志獨焦勞多君古人義每語必傾倒移彼忽就此
感媿非所料將煩般僱力次第構堂與會須拓秋
窗君過共吟嘯

夏寒

雨積連宵後涼生溽暑時氣腥龍格鬪雲黑電參
差闔戶窻支枕焚香獨詠詩芙蓉正零亂誰坐白
公池

螢

何處珠光出蚌胎雙飛宛轉逐風來老夫獨夜方
謀醉怪爾勤勤照酒杯

舟車集卷十七

男 蔚文虎較字

舟車集卷十八

錄文流輝字

舟車集卷十八
錄文流輝字
舟車集卷十八
錄文流輝字

登

舟車集目錄

卷十八

練湖口號

錫山道中

觀泉

宿秦園嘉樹堂

葑門

舟中懷舊

過陳仲醇舊宅二首

虞山道中

瞿氏東臯

涉江

記夢

范氏西園二首

觀米海岳自題研山

自笑二首

凭軒

題畫扇首

荅務旃畫

前軒西園二首

同楚公茶話戲梅山

海陵舟中

露筋女祠

讀本艸中

洗心二首

今年中秋前書字二首送鍾山人歸里

縱櫂園新船詩

喬疑葦七十

歌臺明月詞三首

中秋既醉二首

感事三首

新燕詞中

畫川新榭九言詩

舟車集卷十八

舟車集卷十八

寶應陶

季

以字行原名澂

古今體詩

起辛未夏六月至秋九月

練湖口號

插秧時節再經過陵谷其如變幻何曾記昔年沉網日小船明月去來多
湖舊有一萬四千餘頃

錫山道中

暑雨急翻盆人歸何處邨水光侵岸白山氣壓城昏小市還沽酒扁舟忽過門晚晴抽帆去隨意酌芳罇

觀泉

人間擾擾利名心，遠道爭來問碧沉。豈料山靈甚
無意，本源清澈到如今。

宿秦園嘉樹堂荅宮諭昆弟

往余遊梁谿，棹舟濫泉側。烹泉試雷莢，月出雲四
匿。同時得顧况，腕具扛鼎力。斯須百韻成，山澤爲
改色。再登漪瀾堂，羣木並修飭。傾觴各盡醉，星斗
入曾臆。蒼茫越三紀，奮去多翊翼。今來叩山靈，峯
峯互劣削。堂中佳主人，文采天下式。逢余雙眼青，
快意曷有極。堂開羨溪深，廣泉沸自清。湜賞心，惟干

春奚必資釣弋，先生固肥遯。志士所取則，吾曹期
勉旃。相望在南北。

顧譬余友赤方也

葑門

聞道吳儂愛水嬉，年年六月采蓮時。新妝好女傾
城出，夾岸香風竟日吹。

舟中懷舊

昔在乙酉夏，烝民鮮安居。吳儂各避匿，貧者無斗
儲。余也適當厄，因人寄荒湖。艱難獨畏影，盡室增
次且。南鄰仁且賢，勤勤獨知余。慰勉在咫尺，周旋
及杭蔬。清秋闔閭城，三江靜無虞。扁舟獲所託，困

頓復已舒逢人問南鄰鄰翁遽云祖未酬厚德事
此念終難渝風塵隔江鄉今年過邨墟中宵沂流
急太息息蓬廬

過陳仲醇舊宅二首

昔年陳處士退放值時清海內無奇策山中得令
名四方如尺咫諸子費逢迎底事同游俠千金一
笑輕

綠山存老屋白日下葦落水溢魚仍聚巢空鳥不
來雨中沉露井林外雜荒臺氏族人何處閒門只
自開

虞山道中

涼雨跳波風滿船薄雲無定乍晴天橫山尚在青
邨北且就船窗半日眠

瞿氏東臯

百尺橋平水滿池桂堂重複樹參差分明四十年
前事落日沉雲奈此時

涉江

繇白茆港至通州百二十里

東南吳會浸百川大江奔注繇何年下連歸墟豈
有極萬里絕島疑荒煙我從虞山正北渡劃然半
壁分星躔潮聲鏗鞳曉方怒樓櫓鱗次吹旌旃就

中振柁者誰子云是三老鬚連顴指撝羣工狎浪
出危檣挂席摩青天中流風壯挾蜃氣黑雲布濩
壘淵漩我心靜嘿念神禹咫尺迅發如飛鳶同行
估客盡悚息可怪舟子仍攤錢君不聞臨溪蹈險
古所戒毋更錄錄徒相牽

百又記夢

六月二十七日余涉大江竟忽憶疇昔

之夜有白髮老人負余而趨問之曰我楊
傳關也神之祐之不敢不記

客舍何來皤髮人送余騰蹋渡江津前宵姓字分
明在不料瀕危詫有神

范氏西園二首

小邑爲園好橋通白版扉芳池新漲闊灌木舊陰
肥有地堪忘世何人願采薇會當疎雨夜熠熠亂

螢飛

自笑二首

北嚮芙蓉閣人來羨水仙衆魚爭唼藻溪樹獨鳴
蟬一榻涼颺後三杯熟夢前更滋無限樂新浴暮
晴天

冒巢民得全堂觀米海岳自題研山曰半巖

飛瀑亦神品也

天半峯峽嶺回不似入峯

米公一生愛佳石所過名山必揆贖有時快意嘗

自題彷彿當年最珍惜先生亦有米公癖籍籍紛
紛記簡冊何繇得此天半峯劣崩周回不踰尺峯
頭細題科斗字翠蘚縱橫尚充積須知雷雨驅六
丁直向神山自開闢嗟乎古人異物今罕有多被
前塵劫灰厄如何此獨傳無窮君不見壽考神僊
重標格

自笑二首

自笑溽暑月蒼茫東南之揚舲滌洪濤所邁眇所
窳零雨積沴氣蕩風非涼颺旅跡徒冉冉言歸復
遲遲世態日倚薄我心增苦悲牆東有清陰杖屨

還與隨

秋近增微涼木葉易零亂人生百年內何地免憂
愆俛窺羣魚樂仰睇衆星爛萬類咸有情易詞甚
可翫今將解塵縛築室就止觀優游蓴羹年錄錄
信昏旦

凭軒

凭軒搖大扇次第夕陽收翠篠扶疎立紅蕖寂莫
愁翻枝聽鵲起觸壁羨螢流最是窻人處風來杜
若洲

題畫扇

空亭人讀書匡坐日及酉何意扁舟來前山爲沽酒

立秋前一日荅務旃書

王宰多真蹟逢人未肯畱今來初覲面明日正迎秋亭榭寥風雨茶瓜足獻酬信知交有道獨爲寫

滄洲

前軒

前軒吹雨涼生客息參差憶遠行才聽清商起中夜不知原是斷腸聲

同楚公茶話

雷聲驅急雨一夜水平池
蜨散花能笑人來鳥不知
牆陰坐螿穴屋角冒蛛絲
梵放真無事涼生日暮時

海陵舟中

橫塘直北桑陰下翼翼茅亭半覆瓦
老農驅牛不得休牛力辛勤更遭打
田中赤日田苗枯貧家餓
甕無斗儲迴環救苗且未畢里正悍然先索租

露筋女祠

野廟荒湖生暮陰靈旗不動影沉沉
分明一夕千秋事聽得行人說到今

讀本州

上苑消梨冰雪姿
穀城紫棗樹參差
相傳並屬延年物
各種牆東是此時

洗心二首

洗心以歸性
意念每間之
百年苦易短
聞道須何時
枯槁在不滅
精明亦無為
此中有真詮
黃老其吾師

茫茫六合內
萬象各終始
齒髮猶矣旃
况乃妻與子
塵勞總名累
人爵素所恥
陰陽為洪爐
元化實如此

今年

今年貧乏策
第一是求閒
牖下烏皮几
溪邊黃葉灣
逢懽相與醉
得句不須刪
二仲能無事
隨時數往還

送鍾山人歸里

前年抽楚帆
遙望敬亭山
雨後青邨合
雲邊白鳥還
君今栖遯處
仍在翠微間
莫更虞衰老
時時記別顏

縱櫂園新船醺樂詩

并序

夫東山般遊
謝太傅身關
半壁西園笑
傲蘇學

士才重當時亦有勝據平泉堂名綠野皆大賢
之樂事卽後起之先資記者如斯效之實匙不
限圖吾邑丕著芳模濬一千畝可濬之陂池開數
百年未開之風氣閒亭廣榭楊柳搖青北館南
前榮芙蕖儷彩畫川先生則泊焉人爵允也天真
期頽顏皤髮以相過對清簟疎簾而自喜締長
夏之新賞續涼秋之始懽特造沙棠之舟進浮
管水心之鏡蘭橈桂楫怪野鷺之來依金管玉簫
儼大魚之出聽夾岸之紅妝近遠轟轟連雲兩
行之樺燭參差明明墮影茲夕何夕優哉游哉

羨來日之孔多洵名園之最樂者矣爰賦長句
記其歲時俾後此有所攷云

往昔我遊明聖湖良辰勝友交相於汝陰構李各
分懺斯文實多崔魏徒湘吳醇酎載百斛傾銀注
玉同懽呼樓頭赫蹏擇險韻輕舸傳送如飛鳧坐
客誰爲八叉手長吟短什成斯須西崑穠華敵温
李公醺唱酬追應徐後來嘉會易銷歇賸有練影
沉秋菰比年此事屬吾邑城隅淥水開畫圖堂中
主人憺無欲日尋數子偕舟車橋通柴門宛轉水
不巾不鞵信所如船題雲裝煙駕宇綺疏四映葦

與蒲昨宵蕩漾入天鏡東方亦吐驪龍珠金支倒
坐夾空翠涼颺細發飄禪襦觴行未多綠竹作燈
前皓齒歌吳趨廚船進食次第見羅列一一皆芳
腴三更露溼客既醉園樹蚤已驚栖鳥迴船攬景
憶往昔大矣造物真洪爐從來名根衆所好棄時
取適元非愚君不見跳丸歲月冉冉至千古知足
惟二疏前此龔定山曹潔躬兩先生主西湖遊賞
距今四十二稔矣辛未八月十三日記

喬疑菴七十

老夫今年自笑五十六牙齒未豁髮未禿秋蠅作

字率滿紙東絹細題皆盡讀但苦年年食指衆儲
待不及五十斛春深拮据艸堂住所賴周遭聚吾
族豈期心力易耗竭旬月炊齋輔饘粥疑菴老友
今七十每羨安居異棖肉駸駸令子初騰驤螻蟻
生孫亦珠玉糟牀歷酒計百壺細帙藏書可千束
平生著作師錢劉後學尋源豈能續南州新來九
節杖手自摩抄愛尤篤知君厚德素累積天道分
明與多福我嘗相過必移晷緒語傾情對醺醪今
晨洗爵躋君堂四坐雕雲盡芳菊堂中數老各鮐
背特爲君歌紫芝曲不須擬脯供行廚且喜長年

注丹籙老夫雖老志頗銳燕坐牆東舊茅屋還圖
與君歌笑越二紀日飯青精采南燭

即與歌臺明月詞三首

面面雕闌倚碧流月輪如洗正逢秋相判此夕傾

尊醉莫問浮生萬斛愁

絳燭晶熒舞袞長纖腰坐手暗生香秋河乍轉清

謳發夾岸千人似堵牆

咫尺方舟近管絃博山鑪火動雙煙分明落葉橫

塘事却記怱怱十五年

丁巳秋泊半塘大率類此

中秋既醉二首

東月揚素光陂池照清淺露零溼空翠譚醮集大
編為懽元無方秉燭更游行百年幾良夜此事知
者趣

高臺雜歌吹觀聽踰千人妍媸各有異輦笑能相
新且與樂吾樂俛仰攄天真移舟空明間萬象斯

陳陳

感事三首

仲尼實天縱乃蒙鄩人譏子輿日省躬亦冒投杼
疑鄉曲每難化聖賢多置之譬諸鼃鼃聲閣閣來
秋池

括髮初纘言衰白正未畢茫茫類煙海敢謂作與
述前賢卽蚤達于學尚深入如何羣展兒問一不
識十實天城公業探入結之與日豈得亦曾爲
時人慕聲利酒肉徒相要一語意不合變色爭秋
毫及逢澹蕩人跼踏生譏嘲笑哉燕雀心孔鸞非
其曹

新燕詞

花落春溪水滿池一番新燕去參差相逢盡刷雲
霄翼不記馮巢待食時

畫川造新榭成得九言詩二百一十六字

今年九日雨霽霜氣清名園水光潄灤生空明主
人汎舟樂事正未艾復構重臺亞水歌秦青鉤闌
咫尺委曲盡工巧最喜階城却與陂池平何必紫
絲步障縱秦侈只此已令觀者心相傾先有鯨音
雜奏駮魚鳥兼以坎坎羯鼓琵琶箏踰時聲停拍
歇萬籟靜然後當場一闋吳趨行祇室滌邪納雅
丘仲笛更許象物貫地媧皇笙蘭缸樺燭下上照
凌亂每見大魚出聽如有情嘗聞龍山吹帽孟嘉
醉又聞籬畔采菊陶潛醒吾曹共此良會銷竟日
絳河初轉愈覺秋冥冥半規明月流影在睥睨况

值戍樓寒箭催嚴更寄語眼前浮薄勿非笑從來
及時賢哲多令名尚留野語吾會共此身會離京日

舟車集卷十八 蔚文虎較字

二

舟車集目錄

卷十九

移居簣成堂二首 曉

晨餐

自慟二首

夢重遊衡山十首

硯

雨晴二首

聞箏

舟中說劉宋事

咄咄

小寒後值雪

穀日

即事二首

觀燈行

田間

昨日

坐千人石待月

宿鐵花院

山塘曲

繇支礪山而西

靈巖二首

入鄧尉山

宿四窠堂

至七十二峯閣

石壁遊湖山十首

堯峯寺遵石湖歸

憩拂水莊

劍門欄

破山寺

三峯院

杜鵑花

敘公院乞浴二首

梁谿曲

觀富春山臨本

舟車集卷十九

寶應陶

季

以字行

原名澂

古今體詩

起辛未冬十月至壬申夏五月

移居簣成堂二首

頻年息安居跋涉媿旅食牆東灌園處締構苦乏
力蓬蒿二十載次第念修飭今年所嚮宜相度中
程式經始在堂廡采桷固有職工費須萬錢先成
此容邾息息數椽就編帙可麇集老夫於其中嘯
咏以閒逸
委巷遠塵拂茲堂心所安檐日每先得竹風差未

寒雙扉謝俗累三徑餘清歡有時良友來小摘供
盤桓鳴琴橫吾前歷歷星辰乾此中皆元聲奚用
一再彈客去卷書坐洗心惟靜觀周回天地間遮
莫跳兩丸

曉

初日射窗滿貪眠常起遲似聞風聲發須念竹參
差卯酒元吾愛溪杯亦甚寧但期成薄醉何必定
吟詩

晨餐

晨餐粗糲甚太息半生過賦命真窮薄因人復委

迤金齋隨處有玉粒尚方多衰老須梁肉其如空
乏何

咄咄

曉來曳履忽決踵跬步須臾變憂恐人生意志焉
有常貧賤交侵失餘勇此時寂莫信有命何必多
才過賈董君不見當年翁子行采薪綰綬還吳姓
名重

自慟二首

自慟真窮薄衰年失壯孫蒼茫餘鬢影寂莫照蓬
門素幔聞新哭青燈覓逝魂蕭蕭鬢髮在願盡祝

爲髡長孫曾衍又以療物

汝父從吾儉吾宗望汝開豈期嬰痼疾旬月下泉
臺反袂承雙涕衝寒盡一哀萬緣皆此類心志益
摧積

小寒後值雪嘗平館于竹下
吾廬竟日揜蓬門敝席無羶坐不温側側暮寒寒
更劇玉翎如掌下昆侖

夢重遊衡山擬游仙詩十首

七十二峯雲氣深雲中松櫟影沉沉不知何處靈
源水流出春江直到今

嶺上梧桐千樹高罡風吹落鳳皇毛前溪更見雙
鬟女素月如輪手自操

洞口花枝灼灼紅有人笑語白雲中如何一樣芳
菲地但說臨烝便不同

使者當年金簡書世人摹榻近何如中間儘有深
溪義尚欲排雲問太虛

福地栖靈有慶雲峯峯齊侍祝融君誰知紫蓋能
矜重截業相望獨離羣

鄴湖美酒幾人嘗我獨重來酌大觴旣醉欲行行
不得從容畱止雁峯堂

石室輪囷不閉門丹爐畱火尚温温此中丹士向
何處我有真詮須細論重來西大嶽如何
黃精紫棗正堪餐煨芋何須憶嬾殘躡盡瑤臺三
百級半天坐露溼闌干
峒嶺峯前集衆真霞裾曾識魏夫人登登各有長
生訣每八千年記一春暮蘇並所賦中問
鄴侯栖隱近煙霞舊宅無人有落花聞得貯書原
此地不妨開闢種胡麻

穀日

東原南畝望農功旭日新晴自不同最喜老夫朝

沐罷聽人開卷讀豳風

中硯

維硯取歛石次或稱鼉磯二者皆俗好燥渴每不
齊更有鄴中瓦舊質繇沉泥堅潤亦可愛似石而
却非嘗聞五嶺南產石惟端溪唐人開其源宋則
辨所窰究未入坎窞采獲兼純疵今逢大府來倍
直勞工師溪造斲山骨剔抉通肝脾宛然百尺下
膩滑如凝脂紫爛夾蒼白怪異光陸離置水錦纈
出照日菁英滋磨礪次第就什襲良有時前年過
吳會購此了不疑歸來三摩抄挹水先注茲墨石

兩相得積久仍未晞此物實匙有何庸贊一詞審
之藏吾齋千春以爲期

人生重初念大節斯獨立此念一以移紛紜百端

集細人伺其側言論每深入惜哉忠孝名汶汶悔

無及嘗聞五節南豈不封諡

馳驅厭行路素髮衰羸年安居數椽內學道希彭

錢鍊形以久視飲食在所先承懽雖有人不如囊

中錢

雨晴二首

拂曙雨新止小鳥嗥木末當軒煑白石鄙志獨疏
豁固窮亦有道肯爲物所奪澁澁春閉門慨焉眷
懷葛

齋居日蕭蕭旣出還偶偶中情眇所樂悵望每獨

苦吳江水東注舴艋得容與吾其尋鷗盟何爲守

環堵

觀燈行

昨夜出觀街市燈一時工妙誇毘陵艸蟲沙鳥夾

丹碧毫髮徧現猶春冰爲憶往昔癸未郡城住滿

城明燈不知數娉嬖少婦當畫樓絡繹香車咽行

路東偏第宅燈屏開彈箏疊鼓謹成雷
牋題讒語著屏外頃刻千人紛沓來
有人測度亦多中昧者注目同死灰
循環離合變端盡此事大都皆鬼才
是時重城之門十有二燈月交光墮
在地罇罍絲竹正連宵幾處紅妝失
鈿翠轉眼經過五十年自知青鬢今
華顛中間如此太平事縷縷說來差
可傳比年吾邑風俗厚燈火稀疏半
擊缶縣華總付春夢溲且酌深杯勸
鄰叟

聞箏

促柱參差十四行誰人凄怨叶清商
不須更起烘

銀甲才聽三聲已斷腸

田間

上雨旁風路不齊林花初盡艸萋萋
今年底事過寒食又值春陰一尺泥

丹陽舟中與客說劉宋事

京江左右山鬱紆昔有彭城劉寄奴
來時捆屨兼伐荻挾志元與常人殊
龍行虎步實俊傑桓氏僭亂仍須臾
論功始封豫章郡進以太尉監中書
義熙之末彗星出人謂天象紛難圖
諸賢漸盡備九錫赤紙受禪稱永初
入宮改曆正未已恩息三載

傳義符後來廢立事屢變相王車子僅免誅豈知
羣情日噂沓隨有特使重翦除宮中旣首亦州州
武陵水軍多翼舒竟陵南郡亂彌甚劉業且嗜割
與屠湘東烏帽太倉卒子嬖人子胡爲乎前人雄
才劫大業數世以後何其愚君不見齊梁之興卽
此類至今王氣同丘墟

昨日

昨日初從小市過紛紛櫻筍盡駢羅行人但說江
魚貴誰信今年網更多

十八日夜坐千人石待月

薄暮就溪住春風散林杪尋僧欲信宿寺靜人跡
少臺前水清湜涵影見歸鳥有石堪嘯歌心神已
傾倒引觴不成醉漏下獨幽討斯須山月來墮地
愈皎皎芳辰苦代謝花事却如掃爲樂室及時吾
生媿衰老

宿鐵花院卽紫柏大師舊居

石室蕭閒艸徑荒龕燈餘火對匡牀此中古德還
趺坐當日流言久祕藏寂莫樹溪柯葉滿蹉跎僧
老鬢毛蒼春宵客睡何曾著月色依稀照屋梁

山塘曲

昨日輕舟出郭遲東風吹斷雨絲絲循堤何處春
游女盡是新妝墮馬時

吳山縟支硎山而西歷天平山過白雲諸洞

吳山縟何處蒼然林塘西是時春正深谷鳥參差
嗥生平慕支公一一窮攀躋寒山亦所好往哲曾
栖遲遙登蓮華峰四顧羣山卑觚稜冒窳網紺碧
參金支肩輿首前途涉歷誠艱危巉巖半欲落宛
若虎豹獅于茲識地靈峯峯尤詭奇何人置大帥
羅列千旌麾歸來拾雲霞仙窟青離離所媿跡如
掃邈矣無繇追誓將去埃壒結屋緣天梯惜哉響

影沉悵望今已迷

靈巖

霸業銷沉盡劫灰空畱山色自周回春風昨日遽
云別好鳥一聲何處來宮艸舊荒移輦路天花時
下說經臺浮生最樂能過此且共猖狂飲百杯

入鄧尉山

樹影蒼茫隔衆峯豁然初地得過從誰能爲我醒
凡夢落日山前一扣鐘

宿四窰堂

寺外梅花千萬株初成穠綠嚮晴湖三分掇拾詩

中意半幅蒼茫雨後圖入座數公當玉塵照人殘
月在金樞齋鐘粥鼓晨昏事試問山僧會得無

下山至七十二峯閣

曬網晴湖信淼茫門前風過水蘋香須知七十二
峯外歲歲年年多夕陽

石壁精舍

是懸山初結茅處

昔日跣趺地今餘艸木香大師先入室諸子亦登
堂落壁朝含潤龕燈夜積光後人期食筍隨處種
蒼筤

雨後至堯峯寺遵石湖而歸

山中懸泉寫清畫密蒨芳條錯如繡須臾雲黑增
渺冥入暮愁余聽簷溜朝來卷幔看山色絡繹青
霞復娟秀登登拾級到山半一片寒湖落吾右槎
枒榕柏沉地底孤鳥騫飛宛相就勉哉更進二千
尺突兀支提亦天構馮軒試茗聊快意湖外潮生
布帆後歸時緩櫓經漁莊遠睇林西日光漏

憩虞山前拂水莊

蒙叟藏書多古香昔年曾貯耦耕堂如何人事盡
銷歇徑艸不除庭樹荒

劍門澗

山自何年斷人爭說劍門不須窮地絡聊此識天
根魑魅羣驚走雲霞舊吐吞葍落更靈異繡澀總
無痕

破山寺寺有嬾融大師像

山北破山寺重來共一揆壞牆經劫火高閣聚毗
嵐象教猶虛設盲禪亦罷談舊時宗旨在須就嬾
公參

三峯院

昔年尋百丈今日問三峯猛力皆僧虎精心竝法
龍礪坐千尺雪堂扣六時鐘更有維摩室雲溪隔

幾重

百丈道場在荊州龍灣市

杜鵑花

小閣桐陰裏疏窗几席清炎炎看火聚灼灼愛霞
明密藥初諧發芳罇且細傾醉時驚客慮如在赤
霄行

城南敘公院乞浴二首

勞勞旅食尚憂貧誰道維摩是後身明日正須功
德水從容來浣看山塵
路入菰川別有邨一庭青玉半遮門相過試茗元
無事靜坐蕉團日易昏

舟車集卷十九

梁谿斜日汎歸舟谿上誰家結伴遊中有一人雲
雨態畫簾初卷却陽羞

觀富春山臨本

往昔聞有富春圖生綃淋漓墨猶溼何人藏弃不
可見夜半徒令鬼神泣庚子之秋我踰嶺揚舲滯
江江水急滌洄嚴陵七里灘夾岸空明盪曾臆是
時盡見生色畫秀壁千尋倚天立蒼茫陳跡三十
年林壑嘗從夢中集今年何幸見此本腕下疑多
搏獅力規撫衆美合自然變化神明亦云極嗟乎

一峯老人實未死此後流傳更千億不須遠道思
桐江臥遊當爲天下式

舟車集卷十九

男 蔚文虎較字

舟車集目錄

卷二十

讀武陵楊公類橐 惠山寺汲泉試菹

熱 薄暮

題竹茶爐詩卷 雨後

登九峯頂 題范先生永思集

汎五里湖 飲東邨華園桂樹下

梁谿舟中 昨夜

記暮春事 讀敘公詩

泊船二首 最惜二首

苦棟

遯跡二首

曉發

曉渡

丹陽道中

玉茗

荅喬致能山寺圖

重讀梅聖俞詩集

幕府

題羅飯牛畫

漫吟

再題畫册二首

吳越口號

西津汎雪

歲火

壬申除日

北渡

讀畫川先生易俟

甫里寺鐘

天鏡樓觀雙柎芍藥

新屋二首

謝喬侍讀刻余舟車集

舟車集卷二十

寶應陶

季

以字行原名澂

古今體詩

起壬申夏六月至癸酉夏四月

讀武陵相國楊公類稿

往昔邁屯難烝民日顛隳丁男冒鋒鏑老弱空邨
嗚行間匙勝算躡賊從東西師臣擁節旄進退理
亦齊維公在政府百計焚如絲鑿門命專征孰敢
辭旣危楚蜀正犇突秦豫尤參差聞公善控馭用
無已時馴伏重元惡支黨猶庶幾當時所謀成
補塞須九泥焉知蛇豕心旣集還蒙欺幡然掉尾

川三十四
去蕩滌終遲遲嗟公力殫瘁白日坐崦嵫持忠願
入地激烈豈媿詞奈何蒙昧人成敗生詆訛夏蟲
語冰雪橫議安足奇今年誦公書嘔心復鐫肌指
陳四方事一一皆所窺處堂曾幾何究與大厦移
孤臣坳疆場庶以荅主知

宿惠山寺夜起汲泉試薜

地靈灌注濫泉出千年如斯秋瑟瑟往來晝汲苦
未已散入人間事非一溪沉碧甃夜始靜元氣周
遭更盈溢當知來復繇天心大類吾徒退藏密中
宵活火尚留燄爲引銀餅下長繡攜持芳列踰雲

漿二沸初生海濤疾素瓷在手茗香發最怪空明
色全失此時細啜通肝脾豈獨尋常善疏室時人
攘攘盡耳食每博浮名漸忘實會須住此結九夏
絕勝清齋坐衡泌

熱

天心重怕暘赤日被原隰平疇盡龜坼田父拊膺
泣廣川數百里丁壯肩挽急奈何雲霽銷雷電亦
溪蟄雨師復聾聵號令每難及誰其傾天瓢溝澮
四充集

薄暮

薄暮東風萬弩張坐看銀箭溼空堂須臾月出四
山靜幾處亂螢生夜光

題竹茶爐詩卷并序

惠山寺左舊有聽松菴菴僧性海獨手製竹茶
爐頗工妙王舍人孟端初繪圖系之詩一時士
大夫相傳以爲佳話自後如茶陵李文正長洲
吳文定錫山邵文莊皆有和章此成弘間勝事
也歲久菴圯詩亦先後殘闕而圖卷則莫知所
在康熙甲子秋顧舍人梁汾在京師逢其友人
出此卷示之曰余得此于吳趨市中者舍人與

語前事遂贈舍人以歸事始于泉斯可記矣

昔在成弘太平日名山勝事難盡述竹爐試茗元
尋常王氏題詩最先出當時圖畫久傳播遠道才
人翕然集牛腰卷軸太多事姓字紛紛亂如蝨山
僧眯目少辨別翻令大篇都闕失木難火齊歸風
胡斷爛歌吟什存一固知失得各有數南北蒼茫
那能覓先生藏弄山齋中雷雨須防六丁力

雨後

雨過松杉畱溼雲有人朝謁大茅君焚香直上中
峯去下視諸方總不聞

登九峯頂

蒼厓巉削稱題詩白日荒湖放眼時我更欲循山
徑去東風初拂雨絲絲

題范先生永思集

先生洪洞人名鄒鼎

廬陵歐公文字多瀧岡阡表當第一追思先人細
碎語能令讀者百哀集近有河東范夫子生平惇
行衆所式早年射策願歸養築室山中退藏密每
虞世澤久湮沒次序源流意悽惻東南薄俗喜高
論幾人循名兼責實此編增我風木悲華髮星星
暗坐泣

汎五里湖雨中作

梁谿之水連具區水雲山木方模糊漁人沉網集
溪處一艇隔雨遙相呼我來棹舟近高柳居者面
面皆瀕湖每聞人言范少伯功成繇此翩然徂豈
知西子失所在後世傳說多矯誣山南天鏡涵六
虛七十二峯時有無風翻葭莖夕影動遙見采菱
蘋玉膚移船就網得魴鱖可奈暮邨無酒沽正窻
抽帆急歸去開尊把燭招吾徒

無恙飲東邨華園桂樹下

山城多窻人秋至益昭曠谿流寫寒碧千里絕塵

八三九十四
塊城東有佳勝賢哲舊開剏于茲二百年臺榭正
無恙孤峯立奇鬼松櫟意相抗丸丸搯雲霄蔥蒨
非一狀檐楹被金粟晴旭在屏障衣袂侵清芬雜
坐受天貺當歡各成醉吾意亦續放蒼然問歸路
璧月起林上

峽西梁谿舟中

昨日維舟好青林雜坐隅地偏栖晚稼川碧浸秋
菰謝客多諧謔湯休亦嘯呼采菱人去後明月引
前途

昨夜

昨夜有夢排天闔星斗磊落在我傍九門沈沈孰
敢入羽衣神官多紀綱我心邑鬱正有愬攝齊再
拜朝紫皇自言小臣困躓久何乃白首迷其方此
時神官忽宣語天帝鑒汝非汝狂往者哲士亦逢
厄能自黽勉無弗臧我聞斯語憬然悟鳴雞集埒
月照牀

記暮春事

暮春出游清晝同我曾誤蹋春泥中餘子大笑不
我顧我獨自信非道窮振衣納履復徒步可奈歸
矣囊篋空遙聞天人隔星語向我疊疊如發蒙上

云士氣豈長詘人事既備天能通寒梭挂壁劍在
室夜半猶見光熊熊下云江海久清晏談虎何必
扶桑弓亟須努力問寥廓毋更跼踖依樊籠斯言
未竟天已曙星斗錯落月照東揚舫而行會有合
顧視餘子其壤蟲

讀敘公詩

我誦皎然靈一詩如咀寒梅與芳雪孤情秀色傾
滿紙不肯從人合車轍今之敘公亦龍象南岳山
中往年別結茅奉母猶睦州能終其身未敢缺比
來却同桑下宿去住無心等吹葉相逢與我偶然

事執手驚看總華髮囊中賸有寥廓集睨視尋常
比蠓蟻我方蹋壁讀未竟不覺起坐大叫絕貫休
無本焉足擬宛似秋潭寫明月梁谿谿畔有敘公
可縮諸方廣長舌

簡梁泊船二首

孤篷祇容邾昨夜宿三溝襍被資鄰火嚴更出戍
樓荒荒寒雨集洩洩大河流拂曙催人去西風却
報秋

寒飈吹斷續岬柳亦蕭疎舊井猶輸稅比鄰自結
廬雲沉沙尾溼日仄爨煙虛才聽鳴榔起操舟信

所如

最惜二首

四月下澣曾有媮兒來余艸堂

最惜琉璃匣摩挲積歲年
揆求無長物矣置獨青
檀鄴下銅臺瓦懷中錦字箋
如何隨俗去拋擲落花前

隄糜余所好篆籀幾人知
祕惜嗟前日沉淪奈此時
秦宮吹劫火漢殿失罌罍
變幻浮雲事茫茫盡屬誰

苦棟

苦棟結子坐疎枝
寒霜乍零春信遲
林鷗背日飛

復栖啄而不食吐矣之天公
賦予無所私甘苦齊
實各有時栽培傾覆惟其宜
君不見交加火棗光參差

遯跡二首

翦髮刊膚獨避塵
願為瓢笠野雲身
明明偏側驅人去
不是陽狂效隱淪
客路艱難實自知
擎空辟穀總相窳
從今更蹋西山雪
直記文殊作導師

曉發

鳴雞初拂曙
細雨溼荒城
寂莫孤篷裏
蒼茫百感

生故人今有約斑鬢復南征莽莽梁谿路相望無限情

曉渡

璧月荒江一樣明林鷗猶集靜無聲操舟三老尋常見柔艚中流自在行

丹陽道中

霜寒人寂莫昨夜渡江時霧隱風雷窟羣靈總不知

玉茗

尊前花爛熳云自豫章來最怪淒清日還能次第

開妍葩矜粉頰細萼動珠胎誰與堪同賞梁園賦雪才

喬二致能爲余寫谿山蕭寺圖喜苔以意

君不聞鄭虔和岳老畫師嘗與瀟湘崑侖爭詭奇又不聞王宰咫尺論萬里雖有真跡誰知之今君多才最敏妙善學嶧山野火碑後代李潮豈足數前者中郎丞相堪追隨近乃墨瀋日流盞遙岑老樹供指撝忽然變現得山寺谿流活活寒雲遲山態重揜快人意宛如遠公昔年所隱栖柴桑居士每入社曾許飲酒各有宜我嘗願托方外任離垢

却與溪山期君何解我意中事令我笑羨無已時
我將扁舟獨往問虎谿

蘇軾重讀梅聖俞詩集

都官積奇氣怒發猶蹶張亦如萬里流灌注不可
量中間就矩矱命意何莽蒼所以賞音人惟廬陵
歐陽耆酒志日放論交誼彌長有時得秀句曼玉
聲琅琅斯人雖厄窮負懷踰雪霜同時唱酬者未
許能登堂至今大著作百世留輝光後來誦其詩
茫昧比望洋

開幕府

江城楓冷月輪黃蠟炬輝輝夜未央襍被久同僧
榻靜戍樓初耐角聲長人懷蓬藿愁千縷露浥蒹
葭水一方寂莫廣庭閒悵望絳河珠斗各坐芒
題羅飯牛仿米畫

積翠深深暗薜蘿亂流谿上嶺雲多襄陽亦有房
山意信手拈來奈爾何

漫吟

雜進纁黃總不知俵俵羣瞽拍肩時因風好語平
原客莫便傾心買繡絲

再題畫冊二首

弱柳才舒春到遲一天新碧浸寒漪何來小鳥馮
枝立正值窺魚欲下時

谿流洩洩四山晴茅屋春初已轉鶯千尺怪松多
夾路老夫曾記此中行

山意吳越口號

貧家兒女易愆期正值喧傳錄牒時蹋地怨天都
寂莫比鄰艸艸嫁西施

陪方伯胡公西津汎雪

積水寒雲一片明漁舟葉葉去來輕山從寂莫林
中起我亦蒼茫鏡裏行雜坐笑歌須判醉相偕步

屨更餘清歸時燈火依稀見萬瓦如鱗白滿城

梁谿舊俗以十二月二十五日各然歲火于

門見范石湖樂府

山城送臘在春前炬火家家夜徹天無事却從臺
上望聽人懽笑說豐年

壬申除日

續續歲相因數天共此辰北躔猶挂斗東壁會班
春縝密嚴城雪蹉跎素髮人敝廬堪薄醉其奈隔

江津

北渡

春江水初碧值我揚舲時微風界明鏡利涉煩舟
師古渡相喧逐千檣列雲旗金支照城郭霽色開
參差南徐隔芳洲北固何委蛇茫茫此巨津曾爲
英雄資

讀畫川先生易俟

聖人立卦神無方極深研幾斯獨詳吉凶變化通
柔剛擬諸萬類各有常漢儒窺測終茫茫參以卜
筮定否臧近代學者宗紫陽顧視濂洛猶秕糠先
生注易窮縹緲折衷疑義尊素王尋繹彖繫爲大
綱嗟彼汎論多譎狂先生寄意何激昂取譬人事

符鴻荒此書知微亦知彰傳之其人毋祕藏

甫里寺鐘

寺在邑西七十里

君不聞豐山昔時有大鏞九耳異制聲則同又不
聞靈覺寺鐘近江海一夕飛去爲蛟龍當知神物
善遷變五聲類應銅山銅吾鄉舊寺當湖中始唐
天祐稱最雄千年之間竟圯廢湖波蕩瀟餘霜風
寺鐘獨存矣艸莽落花半蝕斑斑紅每聞漁人意
難測扁舟欲載湖之東此鐘靈怪實希有重大一
似華與嵩忽然顛覆舟破碎羣小錯愕多瞽聾至
今觀者率歎詫直與雷電神鬼通有時清秋最深

夜無人扣擊聲
天鏡樓觀雙
天鏡樓觀雙
天鏡樓觀雙

縱酒晴湖百尺臺
矜豔笑拍香肩
矜豔笑拍香肩
矜豔笑拍香肩

初夏營屋成翼翼
却牆東竹萌發
却牆東竹萌發
却牆東竹萌發

有託著書即此地
雲漢薄題詩
雲漢薄題詩
雲漢薄題詩

往者屢儻屋一歲
黔今年成吾廬
黔今年成吾廬
黔今年成吾廬

酒前老夫未全貧
春耕田杜門
春耕田杜門
春耕田杜門

重謝喬先生畫川
東南風雅誰
東南風雅誰
東南風雅誰

車轍猶似拍肩
易多自疑折
易多自疑折
易多自疑折

間作詩日簡潔
舍但有壁壘
舍但有壁壘
舍但有壁壘

稱醕醢分鈔小胥
稱醕醢分鈔小胥
稱醕醢分鈔小胥
稱醕醢分鈔小胥

亦穎禿盡付剗
亦穎禿盡付剗
亦穎禿盡付剗
亦穎禿盡付剗

窮巷闕晨夕每念此事成委遲豈期至性
采掇竟及商山芝衰年繙閱記往跡藏示二
所室嘯然大笑卷書坐此外何人知項斯

舟車集卷二十
男蔚文虎較字

東山風鄉驛林前各異城
重橋齋出出畫川念余陳
舟車集卷二十

舟車集卷二十

舟車集卷二十

舟車集卷二十

舟車集卷二十



書